



20
21
22
23
24
25
26
27
28
29
30
31
32
33
34
35
36
37
38
39
40
41
42
43



部-

吉130
854.1



金石錄 卷五十三

賜進士出身 誥授光祿大夫刑部

唐十三


平百濟國碑

此碑或磨崖或碑石皆不可知除額二行不計外據廣約四丈六尺二寸高五尺二寸五分其計一百一十七行前七十九行行皆十六字後三十八行行皆二十字

大唐平百濟國碑銘

洛州河南權懷素書

原夫皇王所以朝萬國制百靈清海外而舉天維宅寰中而恢地絡莫不揚七德以叙遐荒耀五兵而銷邊燄



金石萃編卷五十三

賜進士出身 誥授光祿大夫刑部右侍郎加七級王昶

唐十三

平百濟國碑

此碑或磨崖或碑石皆不可知除額二行不計外橫
廣約四丈六尺二寸高五尺二寸五分共計一百十
七行前七十九行行皆十六字後
三十八行行皆二十字正書篆額

大唐平百濟國碑銘

洛州河南權懷素書

源夫皇王所以朝萬國制百靈清海外而舉天維宅寰
中而恢地絡莫不揚七德以馭遐荒耀五兵而肅邊徼

雖質文異軌步驟殊塗揖讓之與干戈受終之與革命
皆載勞神武未敢佳兵是知泓水掘祆九襄遂戮洞庭
構送三苗已誅若乃式鑒千齡緬惟萬古當塗代漢典
午承曹至於任重鑿門禮崇推轂馬伏波則鑄銅交阯
寶車騎則勒石燕然竟不能覆緹海之奔鯨絕狼山之
封豕況丘樹磨滅聲塵寂寥固鼎不傳方書莫紀蠢茲
卉服竊命鳥洲襟帶九夷懸隔萬里恃斯險阨敢亂天
常東伐親鄰近違 明詔北連送豎遠應梟聲況外
棄直臣內信祆婦刑罰所及唯在忠良寵任所加必先
諂倖標梅結怨杆軸銜悲我 皇體二居尊通三表

極珠衡毓慶日角騰輝揖五瑞而朝百神妙萬物而乘
六辯正天柱於西北迴地紉於東南若夫席龍圖褒鳳
紀懸金鏡齊玉燭拔窮鱗於涸轍拯危卵於傾巢哀此
遺眚憤斯兇醜未親吊伐先命元戎使持節神丘嶠夷
馬韓熊津口 十四道大總管左武衛大將軍上柱口
邢國公蘇定方疊遠構於會城派長瀾於委水叶英圖
於武帳標秀氣於文昌架李霍而不追俯彭韓而高視
趙雲一身之膽勇冠三軍關羽萬人之敵聲雄百代捐
軀殉國之志冒流鏑而逾堅輕生重義之口口口口而
難口心懸冰鏡鬼神無以祕其形質過松筠風霜不能

改其色至於□□□撫邊夷慎四知去三惑顧冰泉以
表潔□霜栢以凝貞不言而合詩書不行而□□□將
白雲而其爽與青松而競□遠□□□成有慙德副大
揔管冠軍大將軍□□□衛將軍上柱國下博公劉伯
英上□□□□□□□廊廟之才□將相之器言爲
物範行成士則詞溫布帛氣馥芝蘭績著旌常調諧鍾
律重平生□□□輕尺璧於寸陰破甕之勳常□不足
平□之策□未涉言副大揔管使持節隴州諸軍事隴
州刺史上柱國安夷公□□□□□□□舉雄圖□六藝
道二略□□□□□□□能令魏軍止渴無勞□□

□□□□□□□副大揔管左領軍將軍金□□□□溫
雅器識沉毅無小人之細行有君子之高風武旣止戈
文亦柔遠行軍長史中書舍人□□□儀雲翹吐秀日鏡
揚輝風偃摺紳道光雅俗鑒清許郭望重荀裴辯箭騰
□□九流於學海詞□發穎掩七澤於文□□太傅之
深謀未堪捧轡杜鎮南之遠略□可扶輪□□鳳池或
清鯨壑邢國公運祕鑿揔驍雄陰羽開偃月之圖陽文
含曉星之氣龍韜豹鈐必表於情源驪女黃公咸會於
神用況乎稽天蟻聚□地蜂飛類短狐之含沙似長虺
之吐霧連營則豺狼滿道結陣則梟鏡彌山以此兇徒

守斯窮險不知懸縷將絕墜之以千鈞累碁先危壓之
以九鼎于時秋草衰而寒山淨涼颯舉而敘氣嚴逸足
與流電爭飛疊鼓共奔雷競震命豐隆而後殿控列缺
以前驅涂氣祆氛掃之以戈戟崇墉峻堞碎之以衝口
監口軍捻管右屯衛郎將上柱國祝口口右一軍捻管
使持節淄州刺史上柱國口口走嗣地處開河材包文武
挾山西之壯氣乘冀北之浮雲呼吸則江海停波嘯咤
則風雷絕響峒夷道副捻管右武衛中郎將上柱國曹
繼叔久預經綸備嘗艱險異廉頗之強飯同充國之
老臣行軍長史岐州司馬杜爽質耀璿峯芳流桂晚追
風箭電騁逸轡於西海排雲擊水搏勁翻於南溟驥足
既申鳳池可奪右一軍捻管宣威將軍行左驍衛郎將
上柱國劉仁願資孝爲忠自家刑國早聞周孔之口晚
習孫吳之書既負英勇之才仍兼文吏之口邢國公奉
緣聖旨委以班祿口口金如粟而不窺馬如羊而
不顧右武衛中郎將金良苗左一軍捻管使持節沂州
刺史上柱國馬口口口之口口口口口口口口口口口口
口口口口口口郡口良邢國公口奉神口口
專節度或發揚蹈厲或後勁先鋒出天入地之奇千變
萬化口口口口之口電發風行口口口口英聲載路

刑國公□□□□甚投醪逆命者則肅之以秋霜歸
順者則□之以春露一舉而平九□□而□三韓□
□○□○□○則千城仰德發□□之飛箭則萬里銜恩
□○□○□○及太子隆□□王餘孝一十三人并大
首領大佐□□□□成以下七百餘人既入重
闈並就擒獲□□□載以牛車仁薦司勳式獻
清廟仍變斯獷俗令沐霽泱露寔寒□先□□烹鮮
製錦必選賢良度使剖符績邁於譔黃□□高於卓
魯凡置五都督卅七州三百五十縣戶廿四萬口六百
廿萬各齊編戶咸變夷風大書□觀□□所以旌其

善勒辭鼎銘景鍾所以表其功□州長史判兵曹賀遂
亮濫以庸才謬司文翰學□□氣□風雲職号將軍
願與廉頗之列官稱博士猶□賈□之衡不以衰容猶
□□□□戈□□□□□□□九□□□□
□□□□□乃□□□□□□□□□□
□□□□□兼田同天□永久□□島與日月□長
懸其□曰
悠悠遂古□□□□□化權輿□□□□
飲□居以系以□或或或漁□□□□□及
□□代非一主揖讓唐虞革命湯武□□□□均九

土屢擾干戈式□□□未□西□□□□□我

聖皇□叶穹蒼□□千古□□□□□遠徼遐哉大

荒咸□正朔□□□疆□□□□□三光叛挨障國

凜凌水鄉天降飛將豹□龍驤弓彎月影劔動星芒獵

貅百萬電舉風揚□□□□□□葉冰銷夏日葉碎

秋霜赳赳□□明明号令□□□廟□□齊軍政風嚴草

衰日□□淨霜戈□□□□□□□嘉樹不翦□勁

巨□授首逋誅請命□□□□□□邊隅□□嘉樹不翦□

□□□□□□□□□□□□□□□□□□□□□□□

□□用紀殊功拒□□□□□□□□□□□□□□□□□

顯慶五年歲在庚申八月己巳朔十五日癸未建

東史云唐高宗顯慶五年新羅武烈王上表言進貢

之路經百濟高句麗輒為兩國所梗帝大怒遣將軍

蘇定方領舟師渡海征百濟與新羅將金庾信夾擊

大破濟兵虜其王義慈草其國置熊州都督府刻石

為埵於白馬江上以紀功撰者陵州刺史賀遂亮書

者洛州河南權懷素至今古埵歸然立道左未幾唐

又遣李世勣平高句麗置安東都護府已而兩國之

地皆為新羅所併三韓始合為一今案權懷素考其

世代乃非善草之上人也筆畫蒼勁結構嚴整一變

六朝之體始知間架之法已在顏柳之前而精神風韻少遜於歐褚然想是當善書名者可稱東方古蹟之首矣歲戊午陽月上泮三韓洪良浩識

按此碑文凡二千餘字前段七十餘行俱完好闕字無幾後五十行則大半泐矣新唐書高宗紀顯慶五年三月辛亥左武衛大將軍蘇定方爲神邱道行軍大總管新羅王金春秋爲嶠夷道行軍總管率三將軍及新羅兵以伐百濟八月庚辰蘇定方及百濟戰敗之十一月戊戌蘇定方俘百濟王以獻舊唐書紀五年三月辛亥發神邱道軍伐百

濟八月庚辰蘇定方等討平百濟面縛其王扶餘義慈國分爲五部郡三十七城二百戶七十六萬以其地分置熊津等五都督府十一月戊戌朔邢國公蘇定方獻百濟王扶餘義慈太子隆等五十八人俘于則天門責而宥之益自三月發兵伐百濟至十一月獻俘其踰八月而其平百濟在八月僅踰五月耳碑立于五年八月十五日癸未計其平百濟之日在庚辰爲八月十二日是立碑卽在平百濟後三日也新唐書百濟國傳永徽六年新羅訴百濟高麗靺鞨取北境三十城顯慶五年乃

詔左衛大將軍蘇定方爲神邱道行軍大總管率
左衛將軍劉伯英右武衛將軍馮士貴左驍衛將
軍龐孝泰發新羅兵討之自城山濟海百濟守熊
津口定方縱擊虜大敗王師乘潮帆以進趨真都
城一舍止虜悉衆拒復破之斬首萬餘級捷其城
義慈挾太子隆走北鄙定方圍之次子泰自爲王
率衆固守義慈孫文思與左右縋而出民皆從之
定方命士超堞立幟泰開門降定方執義慈隆及
小王孝演酋長五十八人送京師平其國析置熊
津馬韓東明金漣德安五都督府擢酋渠長治之
命郎將劉仁願守百濟城左衛郎王文度爲熊津
都督九月定方以所俘見詔釋不誅是定方獻俘
在九月與本紀之作十一月小異也舊唐書傳與
此畧同新書傳蘇烈字定方以字行舊書傳直作
蘇定方今碑亦直作定方蓋其以字行者久矣舊
傳云高宗以破賀魯功遷左驍衛大將軍封邢國
公顯慶五年授熊津道大總管率師討百濟百濟
平遷左武衛大將軍新書傳云高宗以賀魯功拜
左驍衛大將軍邢國公後以定葱嶺加食邢州鉅
鹿三百戶遷左武衛大將軍出爲神邱道大總管

率師討百濟据碑則左武衛正在討百濟之先舊傳在百濟平之後誤也碑又載同率兵者有副大總管冠軍大將軍□□□衛將軍上柱國下博公劉伯英副大總管使持節隴州諸軍事隴州刺史上柱國安夷公泐其姓名副大總管左□軍將軍金泐其名行軍長史中書舍人□□儀泐其姓監□軍總管右屯衛郎將上柱國祝泐其名右一軍總管使持節淄州刺史上柱國□元嗣泐其姓嗎夷道副總管右武衛中郎將上柱國曹繼叔行軍長史岐州司馬杜爽右一軍總管宣威將軍行左

驍衛郎將上柱國劉仁願右武衛中郎將金良圖左一軍總管使持節沂州刺史上柱國□延□姓名上下泐凡姓名泐者既無可攷而姓名全者兩史亦無傳以百濟傳證之則有劉伯英馮士貴龐孝泰及仁願王文度等名當卽碑中所列諸人也碑云置五都督當卽其國所統之五部卅七州卽其國五部所轄之王十七郡二百五十縣卽其國之二百城惟云戶廿四萬口六百廿萬與傳不同耳撰文者口州長史判兵曹賀遂亮已見文內故不復列于文之前後事跡亦無可攷然其文則整

練華瞻善狀涉險破敵事情可稱鉅構書碑者洛
州河南權懷素不署官位想其時同在軍中也此
二人者文名書名皆不盛傳碑又遠在海東無人
傳搨諸金石家皆未著錄此本係門人常熟言朝
標得之持以相贈而未悉其搨從何處洪良浩跋
所稱白馬江稽之盛京通志亦不能得其所
考薛居正五代史已云百濟在高麗之南渡海始
至其地在唐時分郡縣唐末盡爲高麗所有据此
則此碑當在高麗矣今未能懸定姑詳識之碑云
泗水挺祇九窵遂戮泗與洵同瀆也水聲也祇同
妖字書無窵字九窵未詳又云外棄直臣內信祇
婦此蓋列百濟之罪狀稽之百濟傳未嘗叙及續
著旗常當作旂常說文分旗旂爲二字音義俱別
其旂常自是旂字此則通用也

朗空大師塔銘

表本高廣尺寸行數
字數皆無考行書

上缺收領永以住持秋七月大師以甚愜雅懷始謀栖

止此寺也遠連四岳高壓南溟溪澗爭流酷似金口之
谷巖巒闢峻疑如紫蓋之峯誠招隱之幽墟亦栖禪之
佳境者也大師遍探靈巖未有定居初至此山以爲終

焉之所至明年春二月初大師覺不念稱染微疴至十
二日詰旦告衆曰生也有涯吾將行矣守而勿失汝等
勉旃跌坐繩床儼然枕滅報齡八十五僧臘六十一于
時雲霧晦冥山巒震動有山下人望山頂者五色光氣
衝於空中中有一物上天宛然金柱豈上智順則天垂
花蓋法成則空斂靈棺而已哉於是門人等傷割五情
若亡天屬至十七日敬奉色身假隸于西峯之麓

聖考大王忽聆遷化良惻仙襟特遣中使監護葬儀仍
令吊祭至三年十一月中改葬於東巒之頂去寺三百
來步全身不散神色如常門下等重覩慈顏不勝感慕

仍施石戶封閉大師資靈河岳稟氣星辰居縷褐之英
應黃裳之吉由是早逝禪境久拂客塵禪二主於兩朝
濟羣生於三界邦家安太魔賊歸降則知大口真身觀
音後體啓靈關而敷揚至理開慈室而汲引靈流生命
示亡效鸛樹歸真之跡化身如在追雞峯住寂之心存
歿化人始終靡道可謂定慧無方神通自在者焉第
子信常禪師周解禪師口保禪師等三百來人其保一
區皆居士足常勤守護口口追攀每念巨海塵飛高口
電絕累趨魏闕請樹豐碑今上克纘洪基恭承口錄欽
崇禪化不異前朝贈謚曰朗空大師塔名白口栖雲之

塔爰命徵臣宜口葬曰仁澆固辭不獲口之從輒課
非詞式揚口口譬如提壘酌海莫知溟口之深執管窺
天難測穹口下缺

此帖爲朝鮮使臣趙秀三所贈云是晉時金生所書
碑內未載金生姓氏字體文體亦不似晉魏人所作
大約是唐碑皆無書籍可攷言朝標攷

按此碑與百濟碑皆常熟言君所贈碑係裝本背
用朝鮮官文書殘紙裱成尚有印文方二寸九曲
篆惜模糊難識也碑首尾殘闕玩其文義當是朝
鮮國中某寺之碑寺之所在云高壓南海者謂東

國之南也云明年三年前段當有紀元蓋已缺矣

日報齡猶言世壽也口假隸猶言權厝也皆彼國
之措辭碑書柄作柄衝作衝靈作靈弟作第儼作
偁壺作壺幽据卽幽墟不愈卽不豫安太卽安泰
或通或借或別體皆六朝遺法而文體書體整練
渾厚則初唐之佳構也書人無姓名可攷撰人名
仁澆見于文中無年可繫姑附百濟碑後言君字
泉雲乾隆己酉進士由刑部郎出爲四川夔州府
知府生平嗜古故能搜採如此

口令賓墓志

石廣一尺八寸六分高一尺七寸八分十七
行行十七字正書在孟縣學宮鄉賢祠內

□□□□□墓誌

□□□□令賓南陽人也帝顓頊之苗裔曾□□□魏

征西大將軍祖伯齊北銀州刺史□□隋歷停縣並蘊

山岳之高節苞河漢之□□奕業光華名流千載也君

德懷邈遠志尚清居恠張議之憤□□□之貞粹行

齊三淫情欣五柳隱不遂□痢由斯起灾風濫及先拂

高花忽於顯慶五年十二月廿六日卒於家第春秋八

十有一但以死生契闊幽明有殊卽以辛酉之年月己

酉之日葬河陽西北九里冥冥有分腸之痛永永有莫

覩之悲酸哽不紀其切刊石題之不朽嗚呼哀哉乃爲

銘曰

峩峩高德森森懷深志尚冲寂榮位無心神情亮遠清

居可尋道於時外名利何裨留散口候放口情沉痼疾

因動大漸相臨死生口闔運往無禁形雖忽謝永播芳

情

右唐河陽某君墓志銘缺一角不得其姓其令賓二

字亦似非名但當爲字至所云南陽人又云卒于家

第又云葬河陽西北九里是則南陽乃其家第而河

陽卽南陽矣厥後李白撰韓文公父仲卿碑云南陽

人新史因加鄧州字遂啓千古爭辨之端蓋不知南陽卽河陽之古名而唐時所通稱者也今得此志豈非文公爲孟人之一證乎卽張徐州墓志亦正同矣至唐書宰相世系表言顓帝者不一而此言祖伯齊北銀州刺史者表旣無之又其曾祖并父名在石缺處可惜也書有古法兼餘逸致今移存縣學云

孟縣志

按此碑標題缺五字只存墓誌二字其某姓當在缺字中文於首行上缺四字下存令賓二字似係君諱某字令賓其名亦當在缺字中也令賓爲南陽人而葬于河陽西北九里南陽有二處一爲郊

縣地東魏置南陽郡析置南陽縣爲郡治齊周因之隋開皇三年郡廢十八年改南陽縣爲期城大業初廢唐以其地併入邲城縣屬河南道汝州一在鄧州南陽郡屬山南道有南陽縣武德八年廢宛州來屬河陽縣屬河北道初屬懷州顯慶二年屬洛州後爲孟州治則是南陽河陽顯然二處其居第及葬處在河陽其先世則爲南陽人唐人撰誌傳往往追稱其舊貫此爲先籍無疑特不知是汝州舊稱之南陽抑鄧州現屬之南陽耳河陽古無南陽之名孟縣志河陽卽南陽者恐非也文云

怪張議之憤口張議疑卽指張儀行齊三涇情欣
五柳當是以三涇比其清五柳比其高許敬宗嘗
作小池賦有云引八川之餘滴通三涇之洋溢益
當時有此語也辛酉爲顯慶六年令賓以五年庚
申十二月卒以辛酉年葬葬之日以己酉不知爲
何月碑但有月字

岱岳觀碑

題記除兩側外共計二十有二則前後刻二石石各
高八尺六寸廣三尺七分皆兩面刻其第一面作三
截書第二面作四截書第三四兩面皆作五截書行
數字數各自分注于後在泰安縣泰山老君堂內

顯慶六年二月廿二日

勅使東岳先生郭行真弟子陳蘭茂杜知古馬知止奉

爲 皇帝皇后七日行道并造素像一軀二真人夾

侍

又 此在第一面次截右偏
四行行十七字正書

儀鳳三年三月二日大洞三景法師葉法善奉 勅

於此敬口修齋設河圖大口一口

勅敬造壁畫元始天尊萬福口口口德旣畢勒石紀年

又 此在第二面上截十一行行十
三字末行宮名計二十字正書

大周而禡二季歲次辛卯二癸卯朔十壬子金臺

觀主中岳先生馬元貞將弟子楊景塵郭希塵內品官

楊君尚歐陽智琮奉

聖神皇帝勅緣大周革命令

元貞往五岳四瀆投龍作功德元貞於此東岳行道章

醮投龍作功德一十二夜又奉

勅敬造石元

始而尊像一鋪并二真人夾侍永此岱岳觀中供養

口承官宣德郎行兗州都督府倉曹叅軍事李叔度

又此在第一面上截左偏六行行十九字未行二十七字正書

大周萬歲通而貳年歲次丁酉東明觀三洞道士孫文

德奉

而冊金輪聖神皇帝肆口

勅將侍

者姚欽元詣此岳觀祈請行道事畢敬造石而尊像壹

軀并貳真人侍庶茲景福永奉

聖躬聊紀其率因

傳不朽

專檢校博城縣主簿關鑿博錄事張則生護軍口口

口口口口口勒石紀年

又

此在第二面上截十四行行十一字十四字不等正書

大周聖鑿元年歲次戊戌臘癸巳朔貳甲午大鑿

道觀主桓道彦弟子晁自揣奉

勅於此東岳設金

籙寶齋河岳大醮漆行行道兩度投龍遂感慶雲參見

用齋醮物奉為

而冊金輪聖神皇帝敬造等身老君

像壹軀并貳真人夾侍

專當官博城縣尉李嘉應

兖州團練使押牙忠武將軍守左武衛大將軍上柱國趙俊

兖州團練使都虞候銀青光祿大夫試衛尉卿上柱國高晃

又 此在第一面第二截右偏九行行十三字其末二行廿一字十七字不等正書

久視二率太歲辛丑 丑 击 匪 乙 亥 朔 二 乙 丙子神都青元觀主麻慈力親承 聖旨內賚龍壁

御詞繪帛及香等物詣此觀中齋醮功畢伏願 我

皇萬福寶業恒隆敬勒昌齡冀同礪而無朽 侍者道士麻宏信

祇承官朝散郎行兖州都督府參軍事攝 □ □ □ 希

祇承官登仕郎行兖州都督府錄事劉 □

又 此在第二面第二截十五行行十七字至十三字不等正書

長安元率歲次辛丑十二 匹 己亥朔廿三 乙 辛酉道士

金臺觀主趙敬同侍者道士劉守貞王懷亮等奉十一

匹七 乙 勅於此太山岱岳觀靈壇修金錄寶齋三

乙 三夜又 □ 觀側靈場之所設五岳一百廿槃醮禮金

龍玉璧並投山訖又 □ 鎮綵紗繪敬造東方玉寶皇上

而尊一鋪并二直至仙童玉女等夾侍 □ □ □ □ 供養

其②祥風□息瑞雪便□香燭 氤氲○匝明朗神靈
降祉吉祥事畢故刻石記時勒名題②

專當官宣義郎行博城縣丞公孫杲

專當齋并檢校像官博城縣主簿□□□董仁智

都檢校官□議郎兗州大都督府戶曹參軍王果

又 此在第三面第二截十四行行
十三字至十六字不等正書

大周長安肆季歲次甲辰玖匝甲申朔捌②辛卯

勅使內供奉襄州神武縣雲表觀主麤都大洞參景弟
子中岳先生周靈度并將弟子貳生金州西城縣靈宮
觀道士梁悟靈奉參匝貳拾玖② 勅令自於名山

大川投龍璧修无上高元金麤玉清九轉金房慶命齋

參②參夜行道陳設醮禮用能而壑清和風雲靜默神

靈効社表 聖壽之無窮者也

專當官朝散郎行參軍燉煌張浚并書

專當官文林郎守博城縣主簿韓仁忠

專當官宣德郎行□□□劉靈機

又 此在第一面第三截十二行行
廿三字至廿七字不等正書

大周長安四季歲次甲辰十一匝癸未朔十五②丁酉

大口□觀威儀師邢虛應法師阮孝波承議郎行宮闈

丞□□慈卻□□等奉 勅於東岳岱岳觀中建金

錄大齋卅九^乙行道設醮奏表投龍薦璧以本命鎮絲
物奉爲 皇帝敬造石^{口口}皇上而尊一鋪十事并

壁畫而尊一鋪廿二事敬書本際經一部度生經千卷

^{口口}功德奉福 聖躬其匪四^乙已前行道之時忽

見^乙匪揚光加以抱戴俄頃之際^{口口}頓殊遂有紫霞

^口之黃雲牙興遍滿^口場善成功德觀^口嘉瑞敢不書

之齋醮既終勒文于石

專管官宣德郎行兗州都督府參軍事金處廉

專管官文林郎守博城縣主簿韓仁忠

專管官岳令劉^{口口}

又 此在第二面三截右偏九行行
十三字至十六字不等正書

大唐神龍元年歲次乙巳三月庚辰朔廿八日丁未大

齋道觀法師阮孝波道士劉思禮品官楊嘉福李立本

等奉 勅於岱岳觀建金錄寶齋卅九人九日九夜行

道并設醮投龍功德既畢以本命鎮絲等物奉爲

皇帝皇后敬造石龕真萬福天尊像一鋪

給事郎試太子中允劉秀良書

又 此在第二面下截石偏
九行行廿八字正書

大唐景龍二年歲在戊申二月甲子朔十二日乙亥大

龍興觀^{口口}^{口口} 勅往東岳陳章醮薦龍璧以其

月廿七日辛卯於岱岳□并□□□□□設金籙行道
九日九夜燒香然燈□□并設五岳名山河圖等醮□
三□功德事畢奉用
本命紋繪 及餘鎮綵

敬造鎮國 □□□□皇猷永固與靈岳而恒安國祚

長隆等鑾都而自久朝議郎行亮□□軍事王幹朝散

郎行兗州都督府參軍事上柱國兼直安樂公主府□

□乾封縣令上柱國張懷貞儒林郎行乾封縣主簿騎

都尉韓仁忠等恭□ 睿旨沐浴身心虔拜靈壇勤

亦至矣稽首 无上□□

太山巖巖方凌紫氛中有羣仙兮乘白雲陳金薦璧兮

□□□

又 此在第四面上截十六行行
十四字至十六字不等正書

大唐景龍三年歲次己酉三月戊午朔十九日景子奉

勅令邳州龍興觀主杜太素蒲州丹崖觀監齋呂皓仙

京景龍觀大德曹正一等三人於此太山岱岳觀建金

籙大齋報賽前恩追濟兗等州大德卅九人七日七夜

轉經行道設河圖大醮更祈後福以申告請七日之中

遂呈四瑞白鶴騰輝拂霞莊而矯色黃雲覆彩映巖穴

以通光絲雨飛禎家示九年之蕃烏曦抱戴壽返千載

之 君紀時日於青郊勒奇工於翠碧紵紵像一鋪十

一事二 聖本命鎮綵循造

戶曹盧返口

縣令張懷貞

主簿韓仁忠

又 此在第四面第二截右偏
十二行行二十字正書

景雲二年六月二十三日皇帝敬憑太清觀道士楊太

希於名山斫燒香供養惟 靈蘊秘凝真含幽綜妙類

高旻之亭育同厚載之陶鈞蓄洩烟雲蔽虧日月五芝

標秀八桂流芳翠嶺万尋青溪千刃蛻裳戾止恒為碧

落之連鶴駕來遊卽是玉京之域百祥覃於遠邇五福

被於黎元往帝所以馳心前王由其載想朕恭膺寶位

嗣守昌圖恐百姓之不寧慮八方之未泰式陳香薦用

表深衷寔冀朋靈降茲休祉所願從今以後浹寓常安

朕躬男女六姻永保如山之壽國朝官寮萬姓長符擊

壤之歡魚鳥遂性於飛沉夷狄歸心於邊徼實希靈鑒

用副翹誠今因練師遣此采悉

又 此在第三面第三截十七行行
十五字至十七字不第正書

大唐景雲二年歲次辛亥八月癸卯朔十四日景辰蒲

州丹崖觀上坐呂皓仙奉今年閏六月十九日 勅往

東岳及萊州東海投龍并道次靈跡循功德將弟子二

人蒲州靈仙觀道士杜含光丹崖觀道士王元慶道士
孫藏暉於此三日三夜卅九人金籙行道設齋醮并投
龍

朝議郎行倉曹參軍陸大鵠朝議郎行兵曹參軍高
岷通直郎行參軍袁幹時宣義郎行瑕丘縣丞裴遇
等奉 都督齊國公崔處分令此起居 呂尊師
時屬仲秋謹題斯記

又

此在第四面第三截十六行行
十三字至十七字不等正書

歲六月 我皇有意于神仙 勅使正議大夫內給
事梁思陀寺伯俱靈明等与道士任无名於東岳太山

投龍合練龍以紫綵送以紺錢皇皇焉濟濟焉乘傳而
來矣 都督韋君御頤 帝命遠挹使車爰擇幹明式
經崱葦朝議郎行功曹蓋寘疑宣德郎行參軍李烈恭
行郡命屈茲岱嶺因太山之木用近土之人鑿碧巖壘
丹竈列星柱亘虹梁匠無宿春農不下壘嘗未浹日厥
功已成棟宇已來莫籌其速乾封主簿趙春持劇務以
應諸摠群事而趨走恪勤匪懈不遑自寧息徒庀工刻
詞貞石于時開元八年歲次庚申七月壬子朔廿日辛
未畢此功也

口尉攝此縣盧煥

又此在第四面第二截右偏四行
行十五字至十八字不等行書

開元十九年十一月都大驛道觀主張遊霧京景龍觀
大德楊琬建立真君於此修齋三日三夜

專當官朝散郎曲阜主簿上官賓

登仕郎乾封縣尉王去非

又胡冠等題名此在第四面第四截右偏五行
行十字十四字不等左行行書

開元廿年二月口口日勅使內侍省內謁者監胡冠

判官掖庭局監作寧君愛

口上騎都尉王元口

專知官登仕郎行乾封縣尉王去非

又魏成信等醮告題記此在第三面第四截十
二行行十七字行書

大唐大龕七年太歲壬子正月癸未朔廿三日乙巳奉

勅於岱岳觀修金錄齋醮及於瑤池投告事畢

故題記

修功德中使內侍魏成信判官文林郎守內府

丞劉元載

判官掖庭局丞楊彥瓌

小使掖庭局丞魏貴珣

使內供奉道士申昇麤

使翰林供奉道士王端靜山人王昌宇

弟子道士李日榮駱真運

大叔法澄

行官陳饗 同勾當官朝議郎行乾封縣尉郭瓌

專知齋醮檢校官朝議郎行兗州參軍王楚典

李志晟 張守珪 行官郭元光 劉仙塊

又此在第一面下截十五行行十七字左行正書

大曆八年歲次癸丑九月癸酉朔廿八日

循功德中使正議大夫守內侍省內侍員外同正員上

柱國魏成信

判官文林郎守內府丞劉元載

小使文林郎守掖庭丞魏貴珙

翰林俱奉道士王端靜等奉今年六月口日

勅於東岳觀金錄行道七日七夜及口瑤池投告口口

高宗口口口口口口口口口口并造碑口六所並同

此記

專知官昭武拔尉守左金吾衛口口口

專知檢校醮祭官文林郎兗州瑕丘縣尉口口

同檢校官宣義郎行乾封縣尉金口口

承奉郎守乾封縣令劉難

十山人劉口濟 山人王口宇 隨使口口

又淄州判史遊記此在第四面第四截右偏七行行十二三字不等行書

淄州刺史王圓 □□□□□山人王曰宇大寧
十四年二月廿乙日同登泰嶽時真君道士卜皓然萬
歲道士郭紫微各攜茶菓相候于回馬嶺因慙於王母
池登臨之興無所不至

駢使官樂瓊題記

祭岳官題名

此分刻第三四兩面下截其十
九行行五字六七字不等行書

鴻臚少卿□偃

祭岳使駢使官□□率府兵曹參軍□□門下令

□□吏□節度逐要官太□□事舍人郭□□

山人王昌寓

左金吾兵曹參軍□□太常卿李□超祭岳使□

□亞獻觀察□□終獻禮部□□侍御史兗州

□□節度押牙殿中□節度都遊奕使事□□濟

州司馬高□團練判官前章□

建中元年

平盧留□□度判官中大夫檢校尚書戶部郎中兼侍

御史敬蹇

節度押牙中大夫試殿中監馮珣

山人呂滔

文林郎守兗府兵曹參軍田浩文林郎任城縣尉高

鏗

朝散大夫行任城縣令權知乾封縣令楊序
節度駢使官朝散郎試光祿寺主簿明幹

之
唐建中元年二月廿九日同山口岳因詣瑤池故志

右在第一側下載

任要等祭嶽記并詩

此分刻在第二面第三四兩截左偏記六行詩八行行十九字

二十字至廿二字皆左行行書

檢校尚書駕部郎中使持節都督兗州諸軍事兼兗州

刺史侍御史充太州團練使任要貞元十四年正月十

一日立春祭嶽遂登太平頂宿其年十二月廿二日立

春再來致祭茶宴于茲
同遊詩客京兆韋洪 撰

衙王遷運 乾封縣令王怱 尉邵程 嶽令元賓

造車十將程日昇後到續題

臘月中与韋戶曹遊發生洞徘徊之際見雙白蝙蝠

三飛靈洞時多異之同爲口号
任要

山翠羃靈洞洞深響想微一雙白蝙蝠三度向明飛雖
言有兩翅了自無毛衣若非飽石髓那得騰□□偶見
歸堪說殊勝不見歸

同前

韋洪

欲驗發生洞先開冰雪行窺臨見二翼色素飛無聲狀

類白蝙蝠幽感騰化精應知五馬來啓螯口春榮露冕
口之久鳴騶還慰情

碑兩側

兩側皆廣九寸一作上下二截上截係武后時詩五行下截六行一作五截其第三截詩六行餘或四行五行皆題名惟第一截係宋政和題記七行左行皆行書

五言 早春陪勅使麻先生祭岳

行博城縣令馬友鹿

我皇盛文物道化而壘先鞭撻走神鬼玉帛禮山川遂
下靈洲使來遊紫洞前青羊得處所白鶴口時率虔懇
飛龍記昭彰化鳥篇巖風半山水鑑氣摠雲烟光抱口

口 霞明五色而山橫翠嶽外宇口淥潭邊侵幕灰塵
暖焚林火欲然季光著草樹春色換山泉伊水來何 乙
嵩巖去幾千山疑小而下壘是會神仙菜令乘鳧入浮
丘駕鶴旋麻姑幾季歲三見海成田

右在第一側上截

五言 贈諸法師

宣義郎行博城縣丞公孫杲

駕鶴排靈霧乘鸞入紫烟凌晨味潭菊薄暮玩峯蓮玉
菜俎梁下金颺引窗前嘯傲雲霞際留情口口年
大龔七年正月廿五日徐修文來記

右在第二側第三截

岱嶽寺主良素

岱嶽觀上座董太虛觀主趙元監齋許林 王瑤 王

希嶠

岱嶽山人王寓 渤海高暉

祖來山人高季良 戶曹參軍魏嘉禮檢校齋 解

張寰

右在第二側第二截左行

岱岳觀主道士趙昌元 使下行劉伯川

大道弟子鄭仙芝

天師下行宮邊阿秀 張友朝

守鄆州盧縣丞權知岱岳令畢從勸 羊希復

乾封縣令劉難 石近潘仙觀岳

右在第二側第四截左行

上清驛都大洞三景口口口嶽

真君廟院主檢校道門道士卜皓

岱岳觀三洞法師尹口口 萬歲觀主道士

右在第二側下截

泰山之東南麓王母池有唐岱嶽觀今存小殿三楹
土人稱為老君堂其前有碑二高八尺許上題石蓋

合而束之其字每面作四五層每層文一首或二首
 皆唐時建醮造像之記周環讀之得顯慶六年一首
 儀鳳三年一首天授二年一首萬歲通天二年一首
 聖歷元年一首久視二年一首長安元年一首四年
 二首神龜元年一首景龍二年十首三年一首景雲
 二年三首開元八年一首大歷七年一首建中元年
 一首其空處又有唐代人題名書法不一東側面有
 詩一首其下題名西側面題名亦有詩一首中二側
 面皆無字唐碑存於泰山者唯此及元宗泰山銘蘇
 頌東封朝覲頌二文皆磨厓刻於山上而此碑在山

下以小而雙束故不仆書非名筆故摹拓者少而獨
 完至今因歎唐時六帝一后修齋建醮凡二十許其
 此二碑亦異乎近代之每歲一碑以勞人而災石者
 矣但不知趙德甫金石錄何以不收恐古人碑記失
 傳者正多耳碑下為積土所壅予來游數四最後募
 人發地二尺下而觀之乃得其全文云 碑凡大周
 年者天作而地作堊人作至聖作聖臣作惠年作季
 月作④亦作⑤韻會以④為生字誤考此碑日作⑥
 及順陵碑⑦字⑧是月字
 星作⑨正作⑩授作⑪契苾明碑初作⑫唯⑬成字無
 授作⑭
 可考疑是應字凡數字作壹貳叁肆捌玖等字皆武

后所改及自制字其璽歷年記有云設金籙寶齋河

圖大醮麥㊟麥古七字太元經元攤曰運諸麥政元

稅曰稅擬之二麥方言曰吳有麥娥之臺晉東晉元居釋夕宿

七娥之房王赫候鉦銘候鉦重五十麥斤是也後人不知

妄于左旁添鑿三點淺而大又稍偏知非一筆唐碑書七

字亦有作麥者今墨子書周公旦朝讀書百篇夕見漆十士張參五經文字七作漆後人省筆作麥麥即

漆之草書趙古則謂以七漆二字合成造之非也山海經剛山多柴木水經注漆水下有柴縣柴渠柴溪

字皆作柴柴今作柴又柴之省舊唐書睿宗紀先天二年三月癸巳

詔制敕表狀書奏牋牒年月等數作一十二三十三

四十字是知前此皆借壹貳等字矣不知其始於何

年也程大昌演繁露曰古書一為弋二為弌三為

弌蓋以弋為母而一二三隨數附合以成其字特不

知單書一畫為一單書二畫三畫為二為三起自何

時今官府文書凡其記數皆取同聲而點畫多者改

用之於是壹貳叁肆之類本皆非數直是取同聲之

字借以為用貴點畫多不可改換為姦爾本無義理

若十之用拾八之用捌九之用玖尤為不倫韻會捌破聲劉

歌遂初賦石捌破之虫虫亦有似可相通者易之參天兩地左傳

自參以上則往稱地來稱會是嘗以參為三矣考工記鑊

矢參分第矢參分莊子參月而後能外天下史記滑稽傳飲可入斗而醉二參並以參為三顏子

不貳過士有貳宗國不堪貳爲其與正爲副則貳之
爲貳尚或可以傳會矣在顏師古時江克傳固已訛
大臺爲太壹又薛宣傳本曰壹笑爲樂而俗本乃改
壹笑爲壹矢此時一已爲壹矣若元本不用壹字則
一字本止一畫何緣轉易爲壹也又今漢書凡一字
皆以壹代詩壹醉日富壹者之來大學壹是皆以修身爲本周禮典命其士壹命公羊襄公二
十九年傳許夷則一變謂壹已在師古之前矣
狄者不壹而足則一流
謂叙傳班壹當作一流
俗本改壹爲訛非也
然而古今經史凡書千百之
字無有用阡陌之阡伯叔之伯者予故疑舊本不曾
改少畫以從多畫也然不能究其起自何時 洪氏

容齋隨筆曰古書及漢人用字如一之與壹二之與
貳三之與參其義皆同鳴鳩序刺不壹也又云用心
之不一也而正文其儀一也表記節以壹惠注言聲
譽雖有衆多者節以其行一大善者爲謚耳漢華山
碑五載壹巡狩祠孔廟碑恢崇壹變祝睦碑非禮壹
不得犯而後碑云非禮之常一不得當則一與壹通
用也孟子市價不貳趙岐注云無二價者也本文用
大貳字注用小二字則二與貳通用也易繫辭參天
兩地釋文云參七南反又如字音三周禮設其參注
謂卿三人則三與參通用也 册府元龜文宗太和

二年十月詔天后所撰十二字並却書其本字今按景龍以後碑志之文固皆書其本字矣不知何以復有此詔陪勅使麻先生祭岳詩在岱岳觀東側面其文剝蝕不全久視二年記所稱神都青元觀主麻慈力卽其人也武后遣之至觀修醮神都卽東都故有伊水嵩巖之句岱嶽觀王圓題名此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩此碑前文從右方起後詩并題名或從右方起或從左方起每層高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人卽於空處插入大小高下皆無定準宋初亦然自大中祥符以後題名者乃別求一石刻之字體始得舒縱亦不與舊文相亂然石小易於搬取故題名愈多而存者愈少今之溝渠碾磨之間皆是物矣此碑西側面又有宋政和甲子題名一條又按茶薺之茶與茶替之茶本是一字古時未分麻韻茶薺字亦只讀爲徒東漢以下乃音宅加反而加字音居何反猶在歌戈韻梁以下始有今音又妄滅一畫爲茶字此碑兩見茶字皆从草从余可見唐時

字體尚未變爾雅檟苦茶廣韻丸麻中有茶字又有
茶字注曰俗是也 又任要題名貞元十四年正月
十一日立春祭嶽遂登太平頂宿其年十二月廿一
日立春再來致祭茶宴于茲曰茶宴者蓋唐時祭畢
猶不用酒今不然矣 金石文
字記

記凡有八天授年間者一萬歲通天年間者一聖歷
年間者一久視年間者一長安年間者一其中文內
數目字作壹貳叁肆捌玖等字謂皆武后所改顧亭
林證以演繁露謂古已並作此字唯古文經史凡書
千百之字無有用阡陌之阡伯叔之伯者以余攷此
書阡伯字經或無文然記傳蓋嘗有之矣管子四時
篇修封疆正千伯注千伯即阡陌也董仲舒云富者
田連阡伯過秦論起阡伯之中而漢書食貨志商君
壞井田開阡伯此數字雖不專以數目言然阡伯與
阡陌字古亦同用至志下文云商賈亡農夫之苦有
阡伯之得師古曰阡謂千錢伯為百錢則數目字亦
作阡伯如是見于史者非其徵與 周書克殷解命南
宮百達遷九鼎揚
用修云百達即伯
達百與伯亦同用 又顧氏引册府元龜文宗太和二
年十月詔太后所撰十二字並却其本字今按景龍
以後碑誌之文因皆書其本字矣不知何以復有此

詔予檢容齋續筆唐中宗既流殺五王再復武氏陵
廟右補闕權若訥上疏以爲天地日月等字皆則天
能事賊臣敬暉等輕紊前規削之無益于淳化存之
有光于孝理疏奉手製褒美據此則僞撰字已復行
至文宗乃見于詔文始以掃除其迹耳顧氏始亦未
之詳也與授堂金
石跋

右雙碑合而爲一以石束之凡四幅及碑側碑額題
字三十四段文字大小參差不一元按此碑著錄自

國朝顧亭林始予至山左更搜拓全本較顧爲多
內稱大歷十四年二月廿七日同登泰岳爲淄州刺

史王圓案天寶元年改刺史爲太守此當大歷初稱

刺史由至德二載官名復舊也又建中元年二月有

節度判官中大夫檢校尚書工部郎中兼侍御史敬

謩見唐書宰相世系表謩建州刺史書謩爲騫表誤

也又有朝散大夫行任城縣令權知乾封縣令楊序

序亦見表觀王房但未著其歷官亦有闕漏也又有

文林郎守兗府兵曹叅軍兗州爲大都督府故有府

稱其稱節度驅使官者藩鎮自所署置威權移於此

矣顧氏自述來遊數四募人發地得其全文今元更

爲補遺如此益嘆搜奇難盡也

山左金
石志

按此碑今俗稱鴛鴦碑二石合爲一兩面兩側其刻三十二段今所錄者惟唐刻尚有皇祐政和題名三段應入于宋此不錄也碑書次叙參錯今依年號次第錄之而某段在上下前後左右仍詳註于各條之前後題之有年號者始于顯慶六年訖貞元十四年係屬一碑不宜離析併錄于此其首條曰顯慶六年二月廿二日高宗本紀是年二月乙未改元龍朔二月丙寅朔乙未是晦日則廿二日尚是顯慶六年也郭行真稱東岳先生者道士而主東岳也未有賜號但謂之先生皇帝爲高宗皇后卽武后七日行道者謂建道場七日也今道觀法師齋醮主法者謂之主行卽此行字造素像者素與縹塑通用此爲泰山設醮之始越六年乃有封禪之舉矣此下曰儀鳳三年大洞三景法師葉法善兩唐書有傳云法善少傳符籙高宗聞其名徵詣京師將加爵位固辭不受求爲道士因留在內道場供待甚厚此所謂大洞三景法師者當是高宗之賜號三景者雲笈七籤云三洞經第一洞真第二洞元第三洞神乃三景之元白八會之靈章此云大洞蓋合三洞而名之法善此時奉敕

於此設河圖大醮也造壁畫元始天尊蓋修齋必兼造像或素或畫相間行之此下曰大周天授二年有道士馬元貞稱之曰金臺觀主中岳先生此中岳猶郭行真之謂東岳也有內品官楊君尚歐陽智琮唐書百官志龍朔二年改內侍監爲內侍省有高品一千六百九十六人品官白身二千九百二十二入此云內品官是內侍省之品官也奉聖神皇帝勅者垂拱四年五月武后加尊號爲聖母神皇以得寶圖于洛水稱之曰天授聖圖其後遂改元建號曰周又加尊號聖神皇帝此是改元之二年命元貞往岳瀆投龍作功德以告革命之事元貞于此東岳行道章醮投龍作功德一十二日夜造石元始天尊像一鋪按韓駒東齋紀事云道家有金龍玉簡學士院撰文具一歲齋醮投于名山洞府金龍以銅制玉簡以階石制卽此所謂投龍也顯慶六年行道止于七日此作功德乃一十二日夜矣凡造像少者止一軀多則謂之一鋪此天尊像曰一鋪明非一軀也此下曰萬歲通天二年東明觀三洞道士孫文儁奉天冊金輪聖神皇帝勅紀稱武后以天冊萬歲元年加號爲神次

年三月改元萬歲通天至是詣岳觀行道造石像
一軀後有專檢校銜名謂檢校造像之專官也此
下曰聖歷元年臘月癸巳朔大宏道桓道彥奉勅
設金籙寶齋河圖大醮七日行道兩度投龍造等
身老君像一軀後有專當官銜名其云臘月者武
后自永昌元年改用周正以建子爲歲首臘月者
丑月也武后末年有中丞桓道彥始彥範之族歟金籙寶
齋河圖大醮金籙與黃籙同爲道家齋醮之法隋
書經籍志道家潔齋之法有黃籙玉籙金籙一

經教王川黃籙者帝之金簡也翊聖真君傳結壇
之法有九中三壇其上曰黃籙延壽壇其中曰黃
籙臻慶壇下曰黃籙驅邪壇唐六典祠部郎中員
外郎掌祠祀享祭天文漏刻國忌廟諱卜筮醫藥
道佛之事凡天下觀總一千六百八十七所每觀
觀主一人上座一人監齋一人齋有十名其一曰
金籙大齋其二曰黃籙齋餘不錄其設譙行道之法
則六典未詳也雲笈七籤云順天興國壇凡星位
三千六百爲普天大醮延祚保生壇凡星位二千
四百爲周天大醮祈穀福時壇凡星位一千二百

爲羅天大醮此云河圖大醮雖未詳其壇位要亦彷彿三壇之儀也行道祇七日而投龍有兩度則其儀有加矣造等身老君像等身者與人身等也此特云等身則其他造像之不等身可知矣專當官者猶言專管官專辦齋醮造像之事也當勾當也亦卽管勾也此下曰久視二年太歲辛丑正月二日丙子神都青元觀主麻慈力資龍璧御詞繪帛香後有祇承官銜名久視元年十月巳復寅正此正月寅正之正月也是歲正月丁丑改元大足正月乙亥朔丁丑爲三日此是正月二日事故仍

稱久視二年周制不避唐諱故直書丙子萬歲通天元年登封嵩山以岳爲神岳其地爲神都此麻慈力乃神都青元觀之道士也此次祇是龍璧香帛之禮無設醮造像之文龍璧謂金龍玉璧非刻龍於璧也祇承官皆兗州都督屬官承應其事者也此下曰長安元年歲次辛丑十二月辛丑歲年號有三初曰久視繼曰大足至十月改元長安此十二月乃改元以後也道士金臺觀主趙敬同奉勅修金籙寶齋三日三夜又於觀側設五岳一百廿槃醮禮金龍玉璧並投山訖又有鎮綵紋繪造

東方玉寶皇上天尊一鋪後有專當齋并檢校像
官銜名金錄卽金錄通用字此次修齋祇三日夜
亦云簡矣然所謂設五岳一百廿盤醮禮則已前
所無也玉璧代玉簡投山卽投澗之意鎮綵紋繪
者卽下文本命鎮綵物也造天尊一鋪二真人夾
侍皆已前所有此更有仙童玉女等則初見也觀
後列銜名可知勾當修齋是一事造像是一事而
博城主簿董仁智兼之也下曰長安四年九月勅
內供奉三景弟子中岳先生周元度修度命齋三
日三夜此下卽于是年十一月威儀師邢虛應法
師阮孝波承議郎行宮闈丞某等奉勅建金錄大
齋四十九日奏表投龍薦璧以本命鎮綵物造天
尊一鋪十事璧畫天尊一鋪廿二事書本濟經一
部度生經十卷後有專管官銜名威儀師者道職
也宮闈丞者唐書百官志內侍省監從三品少監
內侍皆從四品上其屬有六局曰掖庭宮闈奚官
內僕內府內坊不云其爲丞據此碑稱行宮闈丞
則知六局皆有丞矣承議郎階正六品下是亞于
少監內侍也設齋至四十九日又造像一鋪有十
事畫像一鋪廿二事書經至千餘卷皆已前功德

所無者專管官猶專當官也此下曰神龍元年三月大宏觀法師阮孝波奉勅建金錄寶齋四十九人九日九夜爲皇帝皇后造天尊像一鋪中宗以是年正月甲辰監國改元神龍丙午復位三月復國號唐此碑在三月故直稱大唐也阮孝波前條但稱法師此則稱大宏道觀法師矣建齋九日夜較四十九日夜者爲簡而四十九人之數則前條所無者末不著專管官而有書人劉良秀銜名與前異也此時武后尚在而修齋造像但爲皇帝皇后乘除之理然也然武后之世屢行齋醮固不足論中宗一旦反正其整飭綱紀必多先務而乃首蹈武后之轍急急爲此求福之事唐書贊所謂下愚之不移者此亦其一端也此下曰景龍二年二月廿七日辛卯設金錄九日九夜燒香然燈并設五岳名山圖等醮用本命紋繒及餘鎮綵造像朝議郎王幹等沐浴身心虔拜靈壇勤亦至矣詳玩此語乃本觀道士所記也二月廿七日辛卯按二月甲子朔則辛卯是廿八日不知何以云廿七也五岳名山等醮前條未見又前條皆云本命鎮綵物此條曰本命紋繒及餘鎮綵是本命與鎮綵物

爲二事也末有太山巖巖方韻語三句非詩非頌未詳何意竹垞跋以此語爲張懷貞作似亦無確據此下曰景龍三年三月勅道士杜太素呂皓仙曹正一三人建金籙大齋造濟充等州大德四十九人七日七夜轉經行道夾紵像一鋪十一事二聖本命鎮綵修造修齋用四十九人前條不云某處道士此獨詳言濟充等州大德又行道而加以轉經亦前所無者云紵像則知非雕非素直以本命鎮綵裝飾爲之也此下云景雲二年六月皇帝敬憑太清觀道士楊太希於名山斫燒香供養此

段是睿宗手勅有云恐百姓之不寧慮八方之未泰式陳香薦用表深衷又云朕躬男女六姻永保如山之壽國朝官寮萬姓長符擊壤之歌方是時韋氏反逆中宗被弑公主駙馬並遭誅戮男女六姻之禍亦云慘矣藉茲香薦以冀懺除且惓惓及于官寮百姓詞旨悱惻較前此之貢諛飾美者異矣云斫燒香者當是于名山斫取香木爲供養猶今人用速柅柏檀之類也碑書于仞作于刃通用字不作采則从象也此下曰景雲二年八月蒲州丹崖觀上坐呂皓仙奉勅往東岳及萊州東海投

龍并道次靈跡修功德末云陸大鵜等奉都督齊國公崔處分令此起居呂尊師呂昭仙前條稱蒲州丹崖觀監齋此則稱爲蒲州丹崖觀上坐殆道職亦有超擢也此次不獨爲東岳凡道次經過靈跡皆作功德也都督齊國公崖不署其名新唐書崔日用傳中宗時日用拜兵部侍郎兼修文館學士帝崩韋后專制畏禍及更因僧普潤道士王暕私謁臨淄王以自託韋氏平以功授黃門侍郎參知機務封齊國公坐與薛稷相忿競罷政事爲婺州長史歷揚汴兗三州刺史碑稱齊國公與傳合而云都督者卽兗州刺史也日用前以僧道之力得私謁以自託此時失政出守思更假道士之力以求內召窺見呂皓仙屢奉勅使因遣官起居以申結納之意則以崔爲日用固無可疑者矣此下曰開元八年勅使于太山投龍合練寵以紫綵送以紺錢都督韋君式經構葺因太山之木用近土之人以七月廿日畢功益紀葺建之事投龍而加以合練及紫綵紺錢皆前條所未有此下曰開元十九年觀主張遊霧建立真君修齋三日夜末有專當官銜名而不云奉勅此下曰開元廿年勅內

侍省內謁者監胡勣等又有專知官銜名而不書齋醮之事百官志內謁者監十人正六品下胡勣卽此官也此下曰大歷七年勅修齋醮投告瑤池而後有中使判官府丞小使內供奉道士翰林供奉道士山人弟子大叔行官皆前條所未備者又有同勾當官專知齋醮檢校官等銜名此下曰大歷八年奉勅行道七日夜瑤池投告下云造碑口六所則前條所無所勅中使等銜名與上年同後有專知官銜名此下曰淄州刺史王圓等大歷十四年登秦嶽德王母池樂壤題記此下是建中元年鴻臚少卿口愜等祭岳題名此下是貞元十四年正月十二月兩度立春任要等祭岳題記及詩同作者韋洪唐書禮樂志五岳四鎮歲一祭各以五郊迎氣日祭之東岳岱山于兗州此立春日所以有祭岳之舉然此是歲行常典而留題刻石者僅見于此任要亦賢刺史矣此下是馬友鹿陪麻先生祭岳詩麻先生者卽青元觀主麻慈力也此下是公孫杲贈諸法師詩此下是叅軍岳令觀主山人等雜題名而岱寺主僧良素亦與焉自馬友鹿以下皆無年號並附于後總計兩碑中所載八

帝一后凡一百三十餘年前後齋醮投告之儀備
詳于此此等正史禮志之所不書裨官傳記之所
未及而遺文軼事亦足以裨史家之考證子故亟
為序錄而詳說之其任要等所作詩唐音統籤所
未採

金石萃編卷五十三終

金石萃編卷五十四

賜進士出身 誥授光祿大夫刑部右侍郎加七級王昶撰

唐十四

六祖墜腰石題字

石高廣均一尺六寸五分
分題五字隸書餘正書

六祖墜腰石

龍朔元年

口黑齋居士蔣口勒石

塊石繩穿祖跡留曹溪血口此中收應口一片東禪

月口口口口四百州

民口口四祖遠孫口口口

許洛仁碑

碑連額高一丈一尺三寸廣四尺五寸三分三十九
行行七十七字下半截磨滅正書額題大唐故口口
大將軍代州都督許公之碑十
六字篆書陽文在醴泉縣昭陵

唐故左監門將軍冠軍大將軍使持節口口代忻口蔚

西州口口口代州刺史王柱國許公口口并序

口口口口口口口口口

蓋門在天成象辰緯昭其度在地成形山岳閉其寶氣

氣感聖宇口英口口口口神口周下口口耿賈口洪烈

景城制棘水鶴曾昌望口為隣庶可揚摧公諱洛仁字

濟得凌文也始自頰川口口下闕列於東魯春秋

口恩錫珪顯於西京口戚豈惟叔重博物立言不朽固

亦子將清鑒月旦稱工年祀綿邈口口武下口口

口口照情曲口慶清風獨開心鏡即安樂土權居晉陽

祖彪齊儀同三司善元郡守武州鎮將襲爵寧口縣公

口口口口口口口口口口口口盪都督口州判

史江夏縣開國公學窮訓詰智周微忽言多去伐動必

歸古建旗杖節恩洽去思開國承家義光公公口口

口口下闕口口口口口口口口口口口口旅口口者

見之雅相推挹歎曰此兒即公侯子孫必復其始年甫

弱冠氣蓋關河節慕原當志凌□□□長□□下

□□□□地之深□□有□天之□□迹間巷潛結

英雄載懷圯上之書寧羞跨下之辱炎靈標季綱密秋

荼前代衣□並□宿衛□□□□□下□□□

□□□高祖膺□□之運掃焚燎之苦太宗

挺迺聖之姿救昏墊之疾援旗異野杖號參墟

文皇昔在龍潛□□英傑下都尉□□□士馬之□□

甲兵之富俱迷天命莫悟真主文皇引公等數

人密圖討擊二凶授首三軍告慶昔□□□兵誅下之

□□實冠終古□□□大夫文皇引公於內營

為領兵墜主授之禁旅委以兵機雖滕公之誠著奉車

典□之勤宣繞□□之□□□□下□□□繁□

□□□□公或□□成□或掉鞅致師取汾州□柏

壁破宋老生軍擊□州□陳皆親領選士屢□就敵仍

治平京□□□□□□□□下□□□□□

□□□衛車騎侯君集段□喬軌□莫府功臣悉在部

□薛仁□安假大名僭竊隴右□承竇融之機翻□□

元之□□□□□□□□□□下□□□公宏龍韜豹

變之□□鷹揚□□之姿火烈振其英武泉涌符其智

略勲高諸將賞懋恒序王充跨據伊瀍盜乘輿之器服

實德并吞趙魏□□□之□□□□□□□□□□

□□□□公內□□□外捍牧圉洛汭邙山風馳電擊

城臯□武霧卷冰銷雖□□睿策神謀出於九天之上而

摧堅陵險寔惟三合之威及飲至□勳□□□□□□

□□□_下□□□□□□□□之重責以綏撫之□公以羈

勒之勤屢移寒暑推解之惠有背心靈眷戀□鴻恩固

辭朝寵載感□天聰遂停嚴會既而□□□□□_下□

□□□□□公□去官于時武德之九年也其年授大

明府別將尋轉本府統軍貞觀二年除右衛原城府統

軍以屠龍之伎處割鷄之□小道既□□□方□□年

授右武衛_下□爪牙奉_下勅□□□□□□元武

門宿衛供奉九年加雲麾將軍行右武衛中郎將十八

年行左監門中郎將兼峻□章授上護軍公翊衛□陳

□□_下秋之□畫地□□若夫_下紫宸清肅□門

有闕□□皇居嚴闕洞戶增深金鋪敷日銅鱗□夜

爰命腹心管其榮籥十八年除□監門將軍□□_下

之□□□方其□□□陽居上將之列纔可匹此儀形

從尹之望既隆順帝之情逾□朝夕□侍駟馳密勿

太宗嘗從容謂公曰我□□□□_下□□疇□□

□於□卿□□別與朕相見欲□□論□□之事昔者

王業權輿帝圖莫期

太宗經綸天下曾涉戎行

險阻艱難備嘗之矣公於武

一匹闕下

陳措必此

聖旨自謂其

目號曰洛仁馭及天下太日思其驂服又感仁誠節

命刻石圖像於

闕下

連類小公又於萬年宮進馬

一匹

聖情喜悅乃親乘御顧謂羣臣曰此人家中

恒出口馬

闕下文

皇嘗於琵琶中度曲村聲以示羣下上因顧問曰諸

人有識此曲者乎羣臣離席將對而未所說公前

曰此之闕下

州即公之本邑公自以莫府舊賴斯隆重乃

獻食上壽并進女樂迺誠所感親為舉觴因問公

之闕下公有

人之慰勞賜物是日賚公絹一百匹合鄉親十

日聚宴舉君觴事匪曲過家家之

以公事之

之重乃召公以雲麾將軍參朔望祿賜同京官

防閣三分減一

嗣文追旌以伐寇

闕下

□□□□□□□□組而狎池臺或指困濟乏或置驛招
士趙瑟秦箏將雛集鳳韓歌楚袂飛塵留客方謂□□

延年□□□□□□□□_闕之□□□□從□□□以□朔二
年四月十日□□□□□□□□私第春秋八十有五

皇帝歎歲月之居諸聽鼓鼙而惻槍贈贈之儀有加
常典乃下 詔曰故□□大□□許洛仁□□□

□□□□□□一□□□□□□□□應伍□於□□□□
□□□□□□□□既晏寵命逾隆方肆優閑奄傷淪逝宜

加哀錫式旌泉壤可贈使持節都督代忻□蔚四州諸
軍事代州刺史□□□□□□□□陪□ 昭陵賜

□□二百段喪事所須□宜官給□□□□□□一人為
其檢校并度三人出家以追冥福謚曰勇公禮也即以

其年十一月十七日葬於 □陵□□□□□□□□
□□□□□□□□□□□□□□鄙其糟粕深明□□

□□□然英□□□武毅□□□其秘訣早符白水之
祥妙辯黃龍之運 太宗文皇帝上廻乾軸下系

坤維□一德而□黎□□三餘而□□□□□□□□_闕
□□□□公□□□□□□□□□□六□□其威聲兩河

宣其智力金鼓之下氣警万夫玉帳之前算居九變取
□之妙雲驚鼓末擊虫之□電駭□□以百□□□之

□□□□□□□□之□

□□□□□□□□□□乎苟何庸勲齊乎絳灌

而子房鳳戩莫遂赤松之遊張至篤□俄車白駒之歎

朱棺元甲永侍茂陵之□□□□□□□□□□

□□□□□□□□□□□□□□□□_下□□□□□□

性為至德之首居要道之極既峻□連之墓且開京兆

之阡以為東觀紀□□簡□□方□□□□□□□□

□□□□□□石□□□□□□□□□□□□□□□□

華陽應錄穎川祚土昭彰八代烏弈千古承此丕基不

斯多祐功顯官族□□書□景福元感降生□□□□

□□□□□□□□□□□□□□□□□□□□□□□

□□□□□□□□□□□□□□□□□□□□□□□

亦弊衣裘駢馳原孟藉甚公侯於惟元鑒照隣先覺壯

志紛紜奇材卓犖預□□□先□□□□□□□□□□

□□□□□□□□□□□□□□□□□□□□□□□

□□□□□□□□□□縱鞭艱同授馬橫圖禁闥紫極兵欄

表忠書令拜將升壇或清玉軌□□帝難□□□肅武

□桓桓山□□□□□□□□□□□□□□□□□□□

□□□□□□□□□□□□□□□□□□□□□□□

羅雲霞獨遠絲竹相和逶迤朝請從容薜蘿壽錫難老

功被登歌東川闕口西階啓藏口厚賜口勳高口口口
關下關下

洛仁附見許世緒傳末數語碑載甚詳但半泐不可
讀正書極似隋賀若誼碑

石墨 鐫華

按碑缺其下半存者約一千七百餘字兩唐書俱
附見其兄世緒傳極簡略但云許世緒并州人弟

洛仁亦從起晉陽錄功至冠軍大將軍行左監門
將軍永徽初卒贈代州都督謚曰勇陪葬昭陵今

以碑所存字攷之公諱洛仁字濟博陵安喜人也
唐書地理志定州博陵郡屬河北道安喜其屬邑

也與史傳作并州人者異碑敘其先世推原春秋
兩漢無論已至述其近代云祖彪齊儀同三司善

元郡守武川鎮將襲爵寧口縣公

下

灃都督口州

刺史江夏縣開國公此必是敘其父事又祖彪以
上必有敘其曾祖事碑俱泐矣許彪北齊書無傳

不能詳攷碑此下是敘洛仁本事有云前代衣口
並口宿衛是在隋時事高祖膺口口之運掃炎燎

之苦太宗挺迺聖之姿救昏墊之疾援旗異野杖
號參墟又云文皇引公等數人密圖討擊二凶授

首三軍告慶又云文皇引公于內營爲領兵墜主

授之禁旅委以兵機此皆初起晉陽及誅建成元
吉事也又云取汾州口柏壁破宋老生軍擊口州
取臨汾及擒斬宋老生皆開皇十三年八月事柏
壁之戰是武德三年擊敗宋金剛事擊口州當是
擊蒲州亦三年事又云薛仁口妄假大名僭竊隴
右此是武德元年討薛舉及其子仁果事又云王
充跨據伊瀍竇德并吞趙魏王充卽王世充竇德
卽竇建德對王充亦去建字此與等慈寺大唐紀
功碑同例皆武德三年事此上所敘戰功與本紀
先後多參差又云公口去官于時武德之九年上

文缺泐不知所去何官也下云其後授大明府別

將等轉本府統軍貞觀二年除右衛原城府統軍

奉勅

缺六字

元武門宿衛供奉九年加雲麾將軍行

右武衛中郎將十八年行左監門中郎將授上護

軍又十八年除口監門將軍蓋由中郎將除將軍

同在十八年而紀年複出也又云聖旨自謂其目

曰洛仁馭此指進馬一匹事馭本駟字作馭者宋

明帝所改也刻石圖像乃畫馬而刻石也公又於

萬年宮進馬一匹此當是高宗永徽五年事是年

始改九成宮爲萬年宮也其時洛仁或從行而進

馬然萬年宮銘碑陰從官題名無洛仁姓名又云
文皇嘗於琵琶中度曲付聲以示羣下上因顧問
曰諸臣有識此曲者乎羣臣離席將對而未口所
說公口前口曰云云唐書禮樂志五絃如琵琶而
小北國所出舊以木撥彈樂工裴神符初以手彈
太宗悅甚後人習爲搗琵琶又舊唐書音樂志杜
淹曰前代興亡實由于樂陳將亡也爲玉樹後庭
花齊將亡也爲伴侶曲行路聞之莫不悲泣所謂
亡國之音也太宗曰不然音聲能感人自然之道
也歡者聞之則悅憂者聽之則悲今玉樹伴侶之
曲其聲具存朕當爲公奏之知公必不悲矣又唐
音統籤有太宗詠琵琶詩据此則太宗善度曲而
喜琵琶可爲此碑之一證也碑又云乃召公以雲
麾將軍口參朔望祿賜同京官防閣三分減一此
敘乞骸骨之事又云以口朔二年四月十缺六私字
第春秋八十有五益以龍朔二年薨傳云永徽初
卒者誤也又云贈使持節都督代忻口蔚四州諸
軍事代州刺史陪葬昭陵賜口口二百段喪事所
須並宜官給缺五一人爲其檢校并度三人出家
以追寘福謚曰勇公禮也卽以其年十一月十七

日葬於昭陵此其飾終之典也陪葬者皆有正副
二使監護喪事此則云一人檢校又度三人出家
尤他碑所無者碑中所紀洛仁事蹟可見者大略
如此碑書領兵墜主當是隊主莫府當是幕府城
臯當是成臯哀錫當是褒錫皆借用字

杜君綽碑

碑缺下截連額存九尺六寸廣四尺七分三十九
行每行字數不可攷正書篆額在醴泉縣昭陵

大唐故左戎衛大將軍兼太子左典戎衛率贈荊州都
督上柱國懷寧縣開國襄公杜公碑

殷王府□□□□□□□□□□文館高正臣書

闕上

□□□□□□□□□□□□□□□□□□□□□□

□□□□□□□□□□而□德秉□徽猷□□□□□□

□垂芳袞侍中□□□□□□金之□闕下□以□□□□

歌而闡化祖□北齊舉秀才授□□功曹□□□□

闕下□□□□□□□□□□皇朝拜使持節汝州諸

軍事汝州刺史納靈秀起□□□□□□闕下□□□之

□□乎弁歲□忠信之甲冑□儒墨之域□□讓惟於

仁□□□□□闕下□□□□□□□□□□□□□□

關折鍵之材踰羣拔□落鴈吟猿之技槩俗標時□夫

旬□□□□□□闕下朝□劔而歸□翰誠□闕下隩主義

寧之始□□都投義闕下□□□□□□□□□□

□鳳邱于時國步□艱方隅未一闕下已摧末金□於夏

縣雖運□舞□縱以神□而□□□□資□□□公闕下

□□□□□□□□□□御輦矢及闕下宸闈闕下□

□人□□□□□□□□□□□□□□□□□□□□

□□□□□□□□□□闕下□□□□□□□□□□公□

□□□□□□□□□□□□□□□□□□□□闕下之□冊

□俟之□□□□□□□□□□□□□□年授忠武將軍行左監

門中郎將加護軍□衛綰忠醇踐中郎之職韓□□達

□護軍之□□□□漢魏是闕□□□□□□□□□□□□

□□□□□□□□□□□□□□□□□□□□□□

洎東闕鑾輿旋闕賚物如前迨乎從幸靈武□賜馬兩

匹□綵五闕下詔公居守宮闕之重帑藏之寄亟承

天盼彌効忠肅廿三年正除右領軍將軍加上護軍檢

校左武侯將軍□屯營兵知□□□屯羽林於中闕下謨

篤□□慎稱乎損益統彼兵權而已哉永徽之初兼檢

校左武衛將軍又檢校右武侯大將軍兼知右箱諸門

兵馬隊使許仲康□忠勇乃隕其闕下□□□□□□□我

彼亦多愧河葦之地是□舊京近控三州遙分九谷測

圭定鼎宅中觀隩華闕□雲雕宮納景眷言監守式俟

器用闕口口體局闕口口照登口功宣代口當五營之

劇務總七萃之機謀時歷二朝年將四紀永言勲舊情

義兼常少選口口俄從怛化口口驚悼口口口口口口茂

下軍事荆州刺史餘如故仍贈絹口四百段口粟四百

石陪葬于昭陵賜東園秘器凶事葬事所須並令

官給鼓吹儀口送至墓所往還仍令司闕下一百匹粵以

三年歲次癸亥二月乙酉朔十日壬寅遷窆于

陵東南一口口奉常口謚曰襄公闕智燭機初神深慮

表在物奚忤見烈火而猶安口口口口墜曾臺而口口

口其趨處雄毅絕衆闕下翰襲英緹于俊路揚茂軌於清

朝鸞闕增巖龍口口秘口私於己公平之道闕上柱國

口基等並光凌謝玉移嗣韋珠充窮之酷既深苦菓之

容彌切泣清儀之永闕下

上須口矯矯口標口令中山情情攸資口口於鑠顯考

立德無競闕節氣口奇口依仁踐孝服義基忠口顏允

德口口循躬往屬道口闕口迴口天顧寄重神京肅

肅口軟昭昭迺誠萬化無期九泉俄口弔鶴闕下

日建

萬寶哲刻字

按此碑殘缺存者雖及千字而可讀成文者不及

其半其姓名某甫里居俱泐不存惟文中詔詞有

杜君綽姓名凡兩見知其姓杜氏名君綽也兩唐

書俱無傳宰相世系表杜氏有京兆襄陽洹水濮

陽四派不載君綽名不知其出自何系也碑無撰

人姓名惟一行云殷王府闕下文館高正臣書兩史

亦無傳惟宰相世系表有正臣官襄州刺史殆卽

其人後卷上元三年明徵君碑御製文高正臣奉

勅書結銜云朝議郎行左金吾衛長史侍相王書

而此有殷王府宇文館字彼此不同惜此碑不見

其全也張懷瓘書斷云正臣廣平人官至衛尉少

卿習右軍法元宗甚愛其書自任潤州湖州筋骨

漸備任申邵等州體法又變据此又可得其歷官

之詳也碑敘先世有曰祖口北齊舉秀才授缺三字

功曹闕下皇朝拜使持節汝州諸軍事汝州刺史闕下

自祖以上必是敘其曾祖事皇朝以上必是敘其

父事此下云弁歲口忠信之用胄口儒墨之域口

此卽敘君綽本事弁歲猶言少歲也曰義寧之始

口口都投義闕下此敘隋末事曰鳳邸于時國步多

艱方隅未一闕下此敘太宗晉陽事鳳邸指太宗也

衛此似貞觀初年事曰詔於元武北門留守賜綵
一百段洎變輿旋闕資物如前此似指貞觀十九
年伐高麗事曰迨乎從幸靈武賜馬兩匹口綵五
闕下詔公居守宮闕之重帑藏之寄亟承天盼彌効
忠肅此指二十年七月如靈州之事似乎初從幸
繼而奉詔居守也曰廿三年正除右領軍將軍加
上護軍檢校左武侯將軍永徽之初兼檢校左武
衛將軍又檢校右武侯大將軍兼知右箱諸門兵
馬隊使曰加上柱國及天蹕口巡以公留守稱旨
賜黃金一百兩絹一百五十疋似指顯慶五年如

洛陽宮事曰從幸許州勅檢校左衛將軍是永徽

二年十一月事曰太子左衛率詔拜口領軍龍朔

二年冊拜左戎衛大將軍兼太子左典戎衛率唐

書百官志龍朔二年改太子左右衛率府曰左右

典戎衛蓋以新改之官冊拜也曰春秋六十有二

以龍朔口口口廿五口口朝薨于口廡年月已

泐蓋早朝時薨于朝堂之廡也曰詔贈缺軍事荆

州刺史贈絹口四百段口粟四百石陪葬昭陵三

年歲次癸亥二月乙酉朔十口日壬寅遷窆于陵

東南謚曰襄公薨于龍朔二年葬于三年二月以

乙酉朔推之壬寅爲十八日也曰上柱國口基等
口基是君綽之子惜缺其名上一字末行但有日
建二字又一行曰萬寶哲刻字建碑年月全泐大
抵卽在三年而刻字姓名獨全何其幸也碑之可
見者大略如是

道因法師碑

碑高九尺四寸五分廣四尺一寸三分三十四行行
七十三字額題故大德因法師碑正書在西安府學

大唐故翻經大德益州多寶寺道因法師碑文 并序

中臺司藩大夫隴西李儼字仲思製文

奉義郎行蘭臺郎渤海縣開國男騎都尉歐陽通書

大哉乾元播物垂象肇有書契文籍生焉雖十翼精微
陰陽之化不測九流沉奧仁義之途坳闡而勞生蠢蠢
豈厭塵門闔海茫茫恒漚苦浪亦有貫經浮說錦籍寓
詞駕鳳升雲駮龍棲月跡均轉縷空溯志於邪山事比
繫繩詎知方於覺路孰若訓昭金口道秘瓊箱靜痛毒
於三漏拯橫流於五濁是生是滅發蓮化之音非色非
空被栴檀之藹暨乎鶴林稅軻涅槃之岸先登鳥筆記
言惚持之苑斯闢結集之侶揚其實諦傳授之賓宏其
妙理然則紹宣神典幽贊靈宗跨生肇以遐騫追安什
而曾鷺可以聲融繡石采絢雕圖則於我法師而見之

矣法師諱道因俗姓侯氏濮陽人也自繞樞凝祉紀雲
而錫麤貫昂搗祥奠川而分緒司徒以威容之盛垂範
漢朝侍中以才晤之奇飛芳晉牒衣冠繼及代有人焉
祖闕齊冀州長史父瑒隨栢仁縣令竝琢磨道德砥錫
文藝或題輿展驥贊務於千里或亨龜製錦馳聲乎一
同法師稟祐居醇含章縱哲覃訃之歲粹采多奇髫鬣
之辰殊姿獨茂孝愛之節慈順之風率志斯在因心以
極季甫七歲丁于內艱嗑粒絕漿殆乎滅性成人之德
見稱州里免喪之後乃伐宏誓而以風樹不停浮生何
恃思去髮膚之愛將酬罔極之恩便詣靈巖道場從師
習誦而識韻恬爽聰晤絕羣曾不浹旬誦涅槃二表舉
衆嗟駭以爲神童逮乎初卅方蒙落髮於是砥行飭躬
架德緝道篋虵能翦心援久制迦流增智望并加勤在
疑必請見義思益尋講涅槃十地洞盡幽微宿齒名流
咸所歎異及受具戒彌復精苦若浮囊之貞全譬圓珠
之朗潔始聽律義遍訖便講辯析文理綜核指歸十誦
之端五篇之蹟寫瓶均美傳燈在照又於彭城嵩論師
所聽攝大乘嵩公懿德元猷蘭薰月暎門徒學侶魚貫
鼻集講室談筵爲之躡隘遂依科戒而爲節文季少沙
門且令習律曉四分者方許入聽法師夏臘雖幼業行

攸高獨於衆中迥見推挹每敷攝論卽令覆講而披演
詳悉詞韻清暢諸方翹俊靡弗歸仰於延遍窺釋典咸
通密藏五乘之說四印之宗照盡幾初二言窮慮始每掘
衣講席隱几雕堂舉以玉柄敷其金膝渙乎冰釋頤然
理順延惠風而不倦同彼清流磨來響而無疲類夫虛
谷摛紳之客慕義波騰緇黃之侶承規景赴法師志求
冥寂深厭躡滓乃負裘褰裳銷聲太嶽寢谿扃岫飲露
餐霞樹偃禪枝泉開定水凡經四載將詣洛中屬昏季
陵夷法網嚴峻僧無徒侶弗許遊涉於是杖錫出山子
焉孤邁恐罹刑憲靜念觀音少選之間有僧欵至皓然
白首請與俱行迨至銅街暨於金地俯仰之際莫知所
在咸謂善逝之力有感斯見非夫確至曷以臻乎旣而
黃露興祆丹風起孽中原蕩覆具禍以蓋法師乘杯西
邁避地三蜀居於成都多寶之寺而靈關之右是曰隩
區遠接荆舒近通邛夔邑居隱軫人物鄙濶宏才巨彥
碩德高僧咸挹芳猷歸心接足及金符啓 聖寶麤
乘時運屬和平人多好事導靈流於已絕闢妙門之重
鍵法師以精博之敏爲道俗所遵每設講筵畢先招迂
常講維摩攝論聽者千人時有寶暹法師東海人也植
藝該洽尤善大乘昔在隋朝英塵久播學徒來請接武

磨肩遲公傲爾其間仰之彌峻每至法師論義肅然改
容沉吟久之方用酬遣法師抗音馳辯雷驚波注盡妙
窮微藏牙折角益州摠管鄧國公竇璣行臺左僕射贊
國公竇軌長史申國公高士廉范陽公盧承慶及前後
首僚并西南嶽牧竝國華朝秀重望崇班其籍聲芳俱
申虔仰由是梁嶠之地庸濮之毗飲德餐仁雲奔雨集
法師隨緣誨誘虛往實歸昔雲翼高奇教闡沉犀之壤
法和通敏道著蹲鴟之域協時揆事抑亦是同考業疇
聲彼則非袞而以久居都會情異俶真養中晦跡可求
天解復於彭門山寺習道安居此寺往經廢毀院宇凋
弊法師慨然構懷專事營輯若乃危巒迢遞俯瞰龍隄
絕磴逶迤斜臨鴈水近對青城之巘迺瞻赤里之街雲
榭叅差星橋縈映於是分巖列棟架壑疏基窈窕陵空
併仞罩景松吟竹嘯其寶鐸以諧聲月上霞舒與琬題
而並色仙花祕草冬夏開榮擾獸馴禽晨昏度響諒息
心之勝境毓道之淨場乎而以九部微言三界式仰緬
惟法口將翳龍宮揮鬼豪而匪固籀魚網而終滅口口
鑄勒口口永昭弗朽遂於寺北巖上刻石書經窮多羅
之祕表盡毗尼之妙義縱洪瀾下注巨火上焚俾此靈
文永傳遐劫豈直逃生之類觀之而發心後學之徒詳

之而悟道既而清猷遠暢峻業遐昭遂簡宸衷乃

紆天綬追赴京邑止大慈恩寺與元奘法師證釋

梵本奘法師道軼通賢德隣將聖謁遊天竺集梵文而

爰止旋謁皇京奉綸言而再譯以法師夙望

特所欽重瑣義片詞咸取刊證斯文弗墜我有其緣慧

日寺主楷法師者聰爽溫瞻聲藹鴻都乃首建法筵請

開奧義帝城緇俗具來諮稟欣焉相顧得所未聞

諸寺英翹懣然祇服咸敷師子之坐用佇頻伽之音法

師振以麤詞宣乎幽偈同炙輶而逾暢譬連環而靡絕

者季粹德曠土通儒紛帶稽疑雲消霧蕩伏膺請益于

嗟來暮惟法師姿韻端凝履識清敏粹圖內蘊溫采外

融運柔嘉以成性體齋邀而行己峻節孤上夷險同貫

冲懷不撓是非齊躅加復研幾史籍尤好老庄咀其菁

萃含其腴潤包四始於風律綜五聲於文緒宿植勝因

恬榮褻欲善來佛子落采菴園開意花於福庭濯元波

於妙境而貞苦之操絕衆超倫聰亮之姿踰今邁昔信

法徒之冠冕耀氏之棟梁乎凡講涅槃華嚴大品維摩

法華楞伽等經十地地持毗曇智度攝論對法佛地等

論及四分等律其攝論維摩仍出章疏旣而能事畢矣

宏濟多矣脫屣於塵境棲神於淨域春秋七十有二以

顯慶三年三月十一日終於長安慧日之寺梵宇藏良
真門喪善悲纏素侶慟結緇徒卽以四季正月旋乎益
部二月八日窆於彭門光化寺石經之側道俗門人星
流波委銜哀追送衆有數千巖谷爲之傳響風雲於是
變色慧日寺徒衆竝蠲邪廼妙綜理探微保素真源歸
塵正道自法師戾止咸共遵崇追思靡及情深軫慕弟
子元凝等稟訓餐風斯稱上足而以慈燈罷照崇山無
仰循堂室而濡涕對几帟而流慟敬於此寺刊金撰德
氣序雖遷音塵方燭亦猶道林英範託繡礎以長存慧
遠徽猷寄雕碑而不朽其詞曰

緬哉佛性廓矣龕門功昭曠劫化拯重昏冲儀已謝妙
道斯存匪伊開士孰暢其言於顯法師誕靈傑起如松
之秀如巖之峙穆穆風規堂堂容止行窮隱括識洞名
理爰初紐錦早厭樊籠言從落飾乃沐靈風將超八難
卽晤三空貞圖可仰峻範彌融鹿野微詞猴江粹典源
流畢究奧隅咸踐法鏡攸懸信花彌闡振嶽符論奔濤
喻辯昔在昏虐時逢禍亂東去戢道西遊違難天啓聖
期光華在旦翼教婚益騰聲巴漢爰雕淨境于彼曾岑
分欄架壑聳塔依林搜經緝義篆石瑍金芥城斯盡勝
跡無侵載奉 王言來遊 帝宅慧義資演真宗

佇譚紫庭之彥丹臺之客竝企清儀俱餐妙蹟淪羲口
口口口口光遽嗟分岸永泣摧梁龕留舊影室泛殘香
書芬紀藹地久天長

龍朔三年歲次癸亥十月辛巳朔十日庚寅建

華原縣常長壽范素鰲

唐道因法師碑中臺司藩大夫李儼撰蘭臺郎騎都

尉歐陽通書通率更令詢之子東里續集

道因與元奘同譯經者見高僧傳碑文亦宏麗饒其

家言然去簡栖頭陀不啻一小劫耳龔州山人四部稿

古人晤悟二字多通用此碑才晤聰晤即晤三空皆

是悟字而王右軍蘭亭序晤言一室之內又以晤為

悟陸雲逸民賦明發晤歌亦以晤為悟金石文字記

蘭臺父子齊名號大小歐陽然率更世傳數碑而蘭

臺止存一道因碑率更楷法源出古隸居唐楷第一

而蘭臺早孤購求父書不惜重貲力學不倦作書每

用批法蓋學其父也庚子錄夏記

右多寶寺道因法師碑唐百官志有品有階有爵有

勳以大夫入銜者惟左諫議大夫諫議大夫御史臺

大夫而已若文官散階自光祿大夫至朝散大夫凡

十一階而無司藩大夫自朝議郎至將仕郎凡十六

階有奉議宣義而無奉義龍朔二年改尚書省曰中
臺自尚書令而下以六尚書爲屬未嘗有司藩也或
者在宗正寺之屬然改曰司宗而非司藩也改秘書
省曰蘭臺秘書郎曰蘭臺郎其曰行者以奉義之下
連用郎字恐階與職不辨也歐陽公云唐之盛時職
有常守位有常員其爲法則精而密其施于事則簡
而易行至于交侵紛亂者由其時君狃一切之苟且
故其官益冗名類繁多莫能徧舉卽此碑司藩奉義
在當時爲顯著之名至于今不可考究則官制之蔽
槩可見已縣開國男從五品爵也而勳級騎都尉亦
從五品奉義或卽奉議與秘書郎皆從六品勳爵左
階品上二等者或以賢能或以功績轉而上之也當
時雖從五品皆有勳爵鼓勵之意寓焉今則貴賤懸
殊五等之列無幾人矣

金石
後錄

此碑題額上書三菩薩名字與碑文大小略同審之

亦通筆也前人並未錄過

關中金
石記

右道因法師碑其三中臺司藩大夫者通鑑龍朔二
年二月改尚書省爲中臺胡三省注謂二十四司郎
中皆改爲大夫主客爲司蕃杜岐公通典所載同惟
司蕃作司藩以是碑證之則通典爲正唐書百官志

武德三年改司藩郎曰主客郎中龍朔二年改禮部
曰司禮祠部曰司禋膳部曰司膳獨不及主客之爲
司藩蓋轉寫漏脫爾儼書郡望書字而通獨否未詳
其故蘭臺郎卽秘書郎亦龍朔所改也碑有具禍以
蓋語今本毛詩作燼攷說文無燼字火餘之燼當作
夷方言蓋餘也自關而西秦晉之間炊薪不盡曰蓋
則蓋夷本一字馬融長笛賦蓋滯抗絕李善注蓋與
燼同陸元朗詩釋文亦作蓋蓋唐初諸儒傳授之本
如此釋文雖云或作燼然夷已从火不應更著火旁
疑流俗所改故陸氏不從之也寶軌傳封贊皇縣公
宰相世系表書鄴公此傳贊國公蓋由贊皇縣公進
國公而傳失書耳軌父恭仕周封鄴國公故軌亦承
父封鄴省邑旁作贊古字通用也

潛研堂金石文跋尾

按此碑額上刻釋迦牟尼觀自在大勢至三佛像

俱題字撰文者李儼兩唐書無傳惟法苑珠林卷

首有李儼序是總章元年二月作與此碑相距五

年故結銜作朝散大夫蘭臺侍郎與此異也碑曰

製文與上官靈芝之製王居士塲塔銘同例書者

歐陽通兩唐書俱附其父詢傳所敘通事始自儀

鳳年此碑立於龍朔三年所題銜傳俱從略其爵

曰渤海縣開國男乃是襲父封也碑云法師諱道
因俗姓侯氏司徒以威容之盛垂範漢朝侍中以
才晤之奇飛芳晉牒司徒謂後漢侯霸矜嚴有威
容光武初累進大司徒侍中謂晉侯史光受學於
劉夏舉孝廉爲散騎常侍兼侍中此下敘先世祇
祖父二代祖闕齊冀州長史父瑒隋柏仁令齊隋
二書俱無傳柏仁漢晉皆作柏人東魏改曰柏仁
隋書地理志屬襄國郡也碑此下述道因之事云
年甫七歲丁于內艱乃發宏誓便詣靈巖道場從
法師習誦曾不浹旬誦涅槃二帙靈巖道場在山左

今屬濟南府長清縣宋時寺中有講經律論三門
僧職觀此知在唐時經藏已備也開元釋教錄載
涅槃部共五十八卷六帙其中大般涅槃經四十
卷四帙其云不浹旬誦二帙是二十卷成誦也又
云又於彭城嵩論師所聽攝大乘釋典有大乘小
乘大乘經律論總六百三十八部而其中論九十
七部嵩公謂之論師或是聽講大乘中之論部也
又云凡經四載將詣洛中屬昏季陵夷法綱嚴峻
僧無徒侶弗許遊涉杖錫出山靜念觀音有僧白
首請與俱行俯仰之際莫知所在此紀觀音之靈

跡也各寺觀音皆女像惟錢塘天竺夢泉供出山
觀音是男像亦白首老人與碑所紀同也又云乘
杯西邁避地三蜀居於成都多寶之寺此下金符
啓聖寶歷乘時云云是入唐以後事曰益州總管
鄧國公竇璡行臺左僕射贊國公竇軌長史申國
公高士廉范陽公盧承慶兩唐書傳竇璡字之推
從太宗平薛仁果尋鎮益州未幾拜秘書監封鄧
國公竇軌字士則父恭仕周爲雍州牧鄧國公高
祖起兵軌迎謁從平京師封贊皇縣公赤排羌寇
漢中連戰有功復鄧國舊封武德三年遷益州道

行臺左僕射高儉

詳見前碑

貞觀元年出爲安州都督

轉益州大都督府長史盧承慶父赤松武德中封
范陽郡公卒承慶襲爵永徽初爲褚遂良所搆出
爲益州大都督府長史按此四人官益州非同時
之事碑蓋合前後而總敘之也高士廉官長史時
未封申國及封申國則已同中書門下三品碑則
敘其先爲長史而加以後封之爵也又云赴京邑
止大慈恩寺與元奘法師證釋梵本大慈恩寺建
於貞觀二十二年道因與元奘譯經當在此年之
後當時同譯諸僧尙有多人道因賴有此碑而傳

標題稱翻經大德洵沙門美號也

濟度寺尼蕭法願墓志

石方廣二尺三寸三十四行行
三十四字正書在西安府學

大唐濟度寺大比丘尼墓誌銘 并序

法師諱法願俗姓蕭氏蘭陵蘭陵人梁武帝之六葉
孫唐故司空宋國公之第三女也原夫微子去殷昭
茂勲於抱樂文終起沛兆峻佞於收圖瓊構鬱而臨雲
珠源淼而浴日延禎錫祚開鳳塵於朱方疊慶聯規纂
龍符於紫蓋逮鼎遷南服胄徙東周英靈冠上國之先
軒冕宅中州之平法師乘因復劫植本遐生孕月仙姿
稟清規於帝渚儀星寶態降淑範於台門襁褓之辰先

標婉質鬢亂之歲遽挺柔情聰悟發於生知孝友基乎
天縱中外姻族莫不異焉加以骨象無儔韶妍獨立鈔
華不御彩絢春桃玉顏含澤光韜朝薺年將十歲頗自
矜莊整飾持容端懷檢操每留神於擊悅特紆情於紉
組瓊環金翠之環茵簞衾幘之飾必殫華妙取翫閨闈
麗而不奢盈而不溢旣而疏襟學府繹慮詞條一覽而
隅奧咸該再覲而英華畢舉舉豪飛八體究軒史之奇文
法兼二妙符衛姬之逸迹羣藝式甄女儀逾劭宋公
特深撫異將求嘉匹載佇孫龍以光宋鯉而嚴庭垂訓

早沐慈波鼎室承規幼明真諦飄花見雪初陪太傅之
歡摘菜爲香遽警息慈之念爰發宏誓思證菩提懼塵
情於六禮乃翹誠於十誦承間荐謁請離俗緣宋公
論道槐端丹青神化虔襟柰苑棟梁正法重違雅志許
以出家甫及笄年爰披法服乃於濟度伽藍別營禪次
庭標鴈塔遠葺娥臺藏寫龍宮遙嗤魯館於是空寂
念襲慧薰心悅彼口衣俄捐綺縠甘茲蔬膳遽序膾腥
戒行與松栢齊貞慧解共冰泉等澈超焉拔類恬然宴
坐若乃弟兄辨供親屬設齋九乳流音六銖含馥瓶錫
咸萃冠蓋畢臻唯是瞻仰屏帷遙申禮謁自非至戚罕
有覲其形儀者焉加以討尋經論採窮闡域覈姤路之
微言括毗尼之邃旨至於法華般若攝論維摩晨夕披
誦兼之講說持戒弟子近數十人莫不仰味真乘競趨
丹枕傍窺淨室爭詣元扉肅肅焉濟濟焉七衆之仰曇
彌何以尚也重以深明九次闋想禪枝洞曉三空澄襟
定水厭此纏蓋忽現身疾大漸之晨謂諸親屬曰是身
無我取譬水萍是身有累同夫風葉生死循環寔均晝
夜然則淨名申誠本乎速朽能仁垂則期於早化金棺
乃示滅之機玉匣豈栖神之宅誠宜捐軀摯鳥委形噬
獸歛衿正念奄然無言粵以龍朔三季八月廿六日捨

壽於濟度寺之別院春秋六十三姊弟永懷沉痛不忍
依承遺約乃以其季十月十七日營空於少陵原之側
儉以從事律也法師夙盟禪池資慶源而毓彩口口道
樹託華宗而降靈蘊地義於閑和苞天情於婉孌觀一
善則怡然自悅聞一惡則怒爾疾懷激仁義於談端明
色空於慮表故能鋒合閻託禪門捨七環祛八膳精苦
之行口映緇徒戒律之儀錯銖法侶佇津梁於苦海奄
滅度於仁祠棗萼分華悲素秋之改色荆株析幹望青
枝而增感所懼塵飛海帶將迷渭涘之塋石盡仙衣不
辯檀溪之隧重宣此義乃爲頌曰

口有殊稱法無異源爭驅意馬俱制心猿志擾情紊神
凝理存展如淑範獨趣靈門旋彩口分瑤姿月舉舍芳
槐路疏貞桂序雲吐荆臺霞霏洛渚學兼班媛詞彬蔡
女奠禽匪志口口昭仁捐華台室沐道靈津法關開捷
心衢屏塵九流遺累八定栖真忍藥分滋戒香口烈傳
燈不倦寫瓶無竭奄愴神遷空悲眼滅式鐫柔範終天
靡絕

今在西安府儒學近出土中移於學內題曰大唐濟

度寺比丘尼墓誌銘并序無書撰人姓名

雍州金石記

按漢書諸侯王功臣外戚諸表元孫之子卽爲六世

瑀爲梁武帝之元孫而其女稱六葉孫蓋從漢表之例也瑀好浮屠法嘗請于太宗欲捨家爲桑門自度不能爲乃止而其女及女孫相繼出家于濟度寺蓋

瑀之志也

潛研堂金石文跋尾

按雍州金石記但稱近出土中而不詳得碑所在碑文云營空於少陵原之側檢陝西通志山川門咸寧縣少陵原在縣南四十里東接萬年縣界西入縣界五里然則碑當出于此處矣通志祠祀門西安府不載濟度寺長安志云安業坊東南隅有濟度尼寺注云隋太師申國公李穆之別宅穆妻元氏立爲修善僧寺其濟度尼寺本在崇德坊永徽中置宮乃徙於此其額太子少詹事殷令名所題蓋卽此寺也碑稱法師俗姓蕭氏蘭陵蘭陵人梁武帝之六葉孫唐故司空宋國公之第三女也梁書武帝紀稱武帝爲南蘭陵中都里人唐書宰相世系表蕭氏在漢時彪始徙蘭陵至望之徙杜陵其孫紹復還蘭陵至晉時整爲淮南令過江居南蘭陵武進之東城里蓋蘭陵本屬徐州部東海郡南史齊高帝紀其先本居東海蘭陵縣高祖整過江居晉陵寓居江左者皆僑置本上加以南名

更爲南蘭陵郡至齊未廢蘭陵郡但有蘭陵縣至
隋開皇九年并省蘭陵縣唐時但有晉陵武進二
縣而已碑稱蘭陵蘭陵者仍其舊貫而蘭陵之上
當有南字亦從省也梁武帝二世曰統三世爲統
之第三子譽是爲後梁宣帝四世爲譽之子歸是
爲後梁明帝五世爲歸之第五子瑀至法師爲瑀
女是爲武帝六世孫不言六世而云六葉避諱也
瑀之封宋國公在高祖定京城時太宗時除而又
復其司空則薨後所贈瑀有惡謚曰貞褊碑故諱
而不書也碑云微子去殷歸周勲於抱樂文終起
沛兆峻伐於收圖宰相世系表蕭氏爲微子宋公
之弟仲衍八世孫戴公生子衍裔孫大心平南宮
長萬有功封於蕭以爲附庸子孫因以爲氏至漢
丞相鄼文終侯何二子遺則則生彪始徙蘭陵者
也文云甫及笄年爰披法服乃於濟度伽藍別營
禪次法華般若攝論維摩晨夕披誦兼之講說持
戒弟子近數十人以龍朔三年八月廿六日捨壽
於濟度寺之別院春秋六十有三姊弟永懷沈痛
以其年十月十七日營空於少陵原之側棣萼分
華悲素秋之改色荆株析幹望青枝而增感玩棣

萼之語似碑文即姊弟輩所述且宋公不稱名尤足徵也法師有弟子數十人而營葬乃屬之姊弟則身雖出家仍非漠然於姊弟者矣師為瑀之第三女則上有二姊碑有弟兄辨供之語則是有上兄下弟也瑀有三子銳錯鉞不知孰為師之弟也辨與辦通用周禮考工記以辨民器注辨猶具也碑書辨供猶辦供也營空疑即營窆之義或借空為窆字又空與孔同孔與穴同義瑀之孫女為鉞女亦出家濟度寺為尼名惠源塔誌亦作神空

金石萃編卷五十四終

金石萃編卷五十五

賜進士出身 誥授光祿大夫刑部右侍郎加七級王昶謨

唐 十五

李文墓志

石高廣均二尺五分二十四行行二十四字正書在同州府金塔寺

大唐故騎都尉李君墓誌銘

君諱文字緯隴西成紀人周柱史躡之後也原夫鸞鳥含靈□□□誕聖跡爰履莘女載生命氏開家其來尚矣至如□□□□樹姓焉自紫氣西浮瑤源已濬仙丹東汎玉莖□□□□□□可略言矣曾祖口齊金郡

太守恤人求瘼兩逐口口口政口風鸞隨馬去祖窆周
任定州錄事參軍鉤深索隱懷風格以繩違蹟要探機
肅霜毫糺繆父幼承詩禮早奉金羸綺歲談天韶年

對月務舉晉王府參軍事君克劭菑堂載揚弓冶昭彰
口緒淑郁家風時屬末隨不違儒業所以學未優瞻志
在前鋒應接義旗忠誠可紀錫以戎律實給寵章授騎
都尉方當矯翼雲路騁足長衢豈知天不憖遺殲良奄
及藏舟易往隙馬難口蓋露一朝生平萬古以永徽二
年十月廿九日碎於私第春秋七十有一夫人彭城劉
氏闔門從訓斷織流慈既劬魚官還嗤馬跡實光君子

簪杖蒿藜何曷眉壽不終頽曦遽謝以麟德元年二月

二日碎春秋八十有二日以麟德元年歲次甲子二月

己卯朔十八日丙申合葬於同州馮翊縣武城鄉之平

原禮也孤子武仁等追惟帖吧載想蓼莪面風樹以銜

悲仰高堂而灑泣痛深曾閔酷甚柴由永薦冰魚長羞

雪竹恐陵谷更貧菜海平遷敢勒遺塵式銘礪石云尔

履跡孕靈指樹含生舛浮氣紫膺帆舟輕達人知足至

理無名分枝迺聖弈菜惟英其天長地久人事推遷

鶴書易促鵬識難延既騫山壽終奄瓊年風停郢斲波

輟牙絃其一從蒿里四野蒼芒春雲結靉秋月凝光

瑩寒吹急壟晦煙長聊旌琬礪式紀遺芳

碑曰公諱文而不言其姓蓋石斷而亡其半爾文休承題其幟曰李將軍碑考唐書及集古錄金石錄碑目皆無李姓名文者人無可紀史不悉載天下碑闕至多趙歐不能兼收理或有之第碑又曰夫人李氏禮不娶同姓則文似非李也唐初功臣率多賜姓而碑敘官闕有曰開國承祉得非先娶李而後亦賜姓者與休承素稱博洽且不輕妄余是以疑之

金石評考

同里曹生仲經嗜金石文手拓同州李君碑示予紙墨精善對之眼明碑未詳書者姓氏觀其峻利秀逸

非王知敬殷仲容不能造詣及此李君諱文字緯東漢以後字必以兩字稱一字者罕矣載於唐書房元

齡字喬顏師古字籀李衆字師李琇字琇張巡字巡

郭曜字曜宇文審字審李恢字祚李條字堅竇思仁

字恕張義方字儀此外不多見

曝書亭集

貞觀時有李緯太宗征遼房元齡居守以緯爲民部尚書疏至太宗曰緯好鬚齡聞遽易之彼緯其名此

緯其字也

來齋金石刻考略

此銘不著書撰人名氏然文特瘦削語不煩而意足與王居士磚塔銘同疑亦是上官靈芝撰書法瘦勁

大得褚公手意亦與磚塔銘同則知亦敬客所書二
碑一在顯慶元年丙辰一在永徽二年辛亥相去不
過五六年其時同其書又同則知的爲敬客書無疑
特當時未嘗下款而敬客書名不著故知之者尠耳

虛舟
題跋

文云君時屬隨未不遑儒業所以學未優贍志在前
鋒云云其云學未優贍諸語可見古人直書無隱不
似近人虛美也

雍州金
石記

誌敘李君與夫人合葬而標題獨書李君唐人墓銘
之列不苟爲牽連如此然于曾祖及父闕諱而祖得
書名又稱父舉晉王府參軍事晉王卽高宗未爲太
子時封號也

授堂金
石跋

按金石評考以爲碑曰公諱文而不言其姓蓋石
斷而亡其半今觀此石未嘗斷字未嘗亡且標題
已著李君之姓文中不必再言李氏下文所引典
實皆推原其始則姓自見唐碑誌銘之例如此也
李文兩唐書無傳宰相世系表隴西李氏各房俱
無其人祖諱突周書亦無傳父舉晉王府參軍事
授堂跋以爲晉王卽高宗未爲太子時封號按高
宗封晉王在貞觀初年碑敘其父云幼承詩禮早

奉金籀綺歲談天韶年對月則是舉晉王府參軍
事尚在隋時下文乃述君事云時屬末隨不遑儒
業云云可證也所謂晉王者當是隋煬帝封號煬
帝以開皇元年封據碑稱李君以永徽二年卒春
秋七十有一推其生在開皇元年迨君之長正值
隋末則君生之時父在髫年也君以應接義旗授
騎都尉記官位止于此他無可述也碑書卒作碎
从說文也葬于馮翊縣似其時遷居同州矣夫婦
合葬同敘一碑初見於此碑明言夫人彭城劉氏
不知何以金石評考云李氏而有不娶同姓之語
疎忽甚矣孤子武仁等亦無考

贈泰師孔宣公碑

碑連額高一丈四尺三寸廣五尺三十一行行八十二
字隸書額題大唐贈泰師魯先聖孔宣尼碑十二
字篆書在
曲阜孔廟

大唐贈泰師魯國孔宣公碑

秘書少監通事舍人內供奉臣崔行功奉 勅撰

文奉 勅直祕書行祕省書學博士臣孫師範書

臣聞形氣肇分宗匠之塗遂廣性情已著名教之理攸
與是故雕刻爲妙物之先粉澤成眞宰之用若其明語
弃智則聖非攘臂之端莊寄齋諧禮必因心之範雖九

流爭長百家競逐而宗旨所歸典墳取俊夫軒義已謝
子姒迭微步驟殊方質文異轍及流爨起譟箕服傳詆
憲章版蕩風雅淪喪然而千齡接聖崇朝可期五百見
賢伐柯未遠粵惟上哲降生圯運理接化先德充造物
財成教義彌綸之跡已周口白心靈範圍之功且峻利
仁以濟幽顯垂訓以霑動植自歎起臨川道窮反袂西
峯嚮玉幾燼蒼山東野柔乘多塵碧海屬混元再造休
明一期雅頌之音復聞郊禋之禮還緝跨巢胥之逸軌
邁龍鳥之遐風瞻白雲而昇介丘翼蒼螭而過沂上而
令千祀之外典冊遂隆九泉之下哀榮方縟斯迺命爲
罕說道不預謀豈如箕山之魂空成寂寞信陵之墓徒
復經過將知龍蛇之蟄潛契於天壤聖智所遊高懸於
日月言之不可極其唯孔泰師乎泰師諱丘字仲尼魯
國鄆人有殷之苗裔也分於宋則孔父嘉爲大司馬弗
父何以國讓其弟厲公正考父佐戴武宣而受三命居
於魯則有防叔伯夏叔梁紇紇生泰師若夫天命鑿鳥
玉筐隆其濬哲瑞啓白狼瑤臺繁其錫類武王覆夏仍
遷象物之金有客在周復奏棗林之樂茲恭喻尸臣之
鼎高讓挹延吳之風令緒昌源煥乎已遠至如象緯凝
質則傳說巫咸嵩華降神而申伯吉甫在於郊臨巨跡

鬱符中野之口水帶丘阿遙均反宇之慶韞乾坤之精粹陶陰陽之淑靈度九圍十河日海口放勛文命有喻於儀彤子產臯繇微詳於具體孟孫言其將聖泰宰辯其多能神關繫表性與道合時初撰屢已訓魯卿年未裘裳先窺周室猶且學期上達業遵下問龍如藏史或訪禮經碧淮萇韞言詢易象曲臺相圃廣陳揖讓之容師摯師襄屢辯興亡之極罔羅六藝經緯十倫加以思入無方情該至蹟陳庭矢集懸驗遠飛季井泉開冥口幽怪新萍汎日能對於楚賓舊骨淪風旋訓於越使藏往知來之際微妙靈通之旨不可以龜策求不可以筮蹄得及其譽聞曲阜南宮展師資之敬應務中都西隣化諸侯之濃冬官效職五土得其攸宜秋令克宣兩觀展其刑政溝疏墓道且抑季桓田歸汶陽遂凌齊景尊君卑臣之訓自家刑國之術每惆悵於興周亦畱連於韶管然而高旻不惠彼曰浸微起哀怨於王風絕歸飛於鳴鳥是邦可化斯道欲行暖席興憂問津匪倦俎豆嘗說空及三軍之容季孟有言不接雙雞之膳晏平推士尚或相排子西讓王終成見拒亦有宋朝司馬喬木難休衛國匡人逆旅焚次荷蕢微者翻嗟擊磬之心儀封細人潛明木鐸之意旣而在斯興感用輟棲遑狂簡

斐然彌嗟穿鑿旋駮舊館掃筵闕里杏壇居寂緇林地
幽知十稽微得二承妙科斗所載方閱舊文睢鳩在篇
遍詳雅什河漢鞀鼓鏗鏘之響復傳宗廟衣裳升降之
儀還序博約無倦誘喻多方后稷躬耕近關勵物伯夷
餒死猶可激貪周公其人則神交於夢想管仲小器歎
微之於征伐信立德立言泰上謂之不朽曰仁與義前
哲以之周旋覆篲爲山喻天階而不陟讀易無過假日
蝕以鳴謙茨嶺峒山寄言於獨善口情風御未涉於通
莊妙臻數極作侔易簡是知縫掖迺兼濟之塗華袞非
爲政之要及其愚智齊泝椿菌如一南楚狂狷舊辭鳳
衰東魯陪臣奄成麟斃晨興負杖知命發於話言夕寐
奠楹將萎傷其溘慮崇山口谷口口下而無由隕石沈
星架大梁而何有門人議服俱纏至極之哀國史制詞
永錫愍遺之誄及埏深夏屋樹列遠方五勝迭遷六籍
無准席閒初聞已舛微言入室且分逝乖大義秦人蛙
沸遺燼翳然漢代龍驤挾書未翦元封有述殘缺載陳
甘露嗣蹤搜揚復起春陵受命先訪於膠庠譙郡膺符
多招於文學逮江馬南度泉鵝北飛鴉入環林鯨衛聖
海有隨交喪中原翦覆東序南雍鞠爲茂草六樂五禮
皆從煨室欽若

皇唐肇膺明命

祖

武宗文之業天成地平之勲圖書因樂推重干戈由寧
亂集剗舟創浮萍藻之詩先遠戎衣初卷羽籥之節旋
興
皇上以聖敬而撫璇圖
文明而膺寶

靈夏啟挹口光兆姬誦讓其惟清化天龍沙風移鯁海
金丘展畫瓊田薦睽潛馬飾黃芝之封浮龜吐綠文之
籥虞庠殷塾廣賓虬婁蓬嶺石渠朋延惇誨垂衣裳而
凝想虛
旒纒以永懷至於大道浸微小康遂往羸
譏紫口口口云阿劉風白金徒遵高里黃初正始時多
閒然建武永平業非盡善而迺作樂崇德殷薦之禮畢
陳有孚載響觀下之訓齊設肆類羣望孝享之義益隆
歸功
三后尊祖之誠逾切
詔寰中而徵萬主

口口口以召百靈一茅分茹雙鷄共羽翠華遠昇枯席
虛位
上帝儲祉泰壹有暉山祇傳聲海神會氣九
皇之况榮可嗣三代之闕典還屬迺使朱鳥詳日蒼威
戒路七萃騰景八鑿鏘風過大庭以省方掩洙上口口
口口居莫辯祠堂歸然見馬鬣於荒墳識櫬檀於古
歎重泉之可作聞盛德而必祀言敷典訓廣命杼材贈
以秦師式旌幽壤改製神宇是光令德于時
皇唐之
御天下四十有九載卽乾封之元年也攝提口歲句芒
獻節兗州都督霍王元軌大啓藩維肅承
綸誥庀徒

揆日疏閑薙遠接泮林之舊墻削靈光之前殿徂來新
南伐喬木而韻流嚶岱吹泗濱採怪石而喧浮磬頰紫
施絢黝黛飛文沓拱重櫺春窓秋幌陰欄積霧復閣懷
煙几仍度室席遵函丈喜宮澹然醉容有穆至如襄城
有訪七聖接其駢驂汾水言遊四子冥其衡輓將謂布
衣黃屋名器則殊卷領素王感召宜一顏子侍側似發
農山之談季路承閒如興浮海之說西華束帶尚以要
賓言偃謁裘猶爲得禮避席延其不敏捨瑟睠其幽情
共列昇堂齊參觀奧歲時蘋藻復雜昌蒲平日絃歌還
聞絲竹

皇儲一德聿隆三善博望邀裾肅成講義

發揮鎔造幽贊事業而以周穆之觴王母尚勒西弁漢
帝之展稷丘因書東嶽遂迺思建隆碣上聞 天辰
言由國本理會 冲情副震宮之德聲命芸閣以紬頌
龔堂闢兮神靈僊揚教思兮兩儀配燭 皇綱兮融
帝載堯可履兮舜爲佩晝而明兮夜而晦于嗟業兮麗
萬代其詞曰

赫赫上帝悠悠天造神集鴻名聖居大寶循性稱教荷
性爲道政若鎔金化佯偃草 爰晝先起律呂創陳禮
節天地樂和人神成期用簡業尚日新絳無聲臭隲有
彝倫 水火朝變憲章時革周廟傷禾殷墟悲麥袞豔

紕雅羸荷淪蹟散亂記言支離方册 自天生德由縱

成能賓筵恪嗣銘鼎家承蹲龍運舛振鐸冥膺闕典攸

緝斯文載興 廣訓三千徧于七十歷階東會藏書西

入楚將分社齊聞與邑接輿自狂長沮空執 在智伊

妙惟神迺幾羊因魯觸鳥向陳飛邨傳頌管編照書韋

卜商承絢顏子參微 堯則不追昌亦遂往名教潛發

心靈汎獎德配乾坤業暉辰象麟粹遙泣山墮負仰

三統昌日千齡 聖期禋宗有昊展禮崇基覲宣時邁

神緘孝思絳螭承輓翠鳳翻旗 上浮龜蒙遙集鄒魯

翹勤真跡惆悵今古舊壁迷字荒墳翳斧 綸黃宗師

詔緝靈宇 虹梁野構翬翼林舒雕櫳繡楹圓井方

疏沂童浴早泮鳥鳴初俎豆蠲絜丹青藹如 墨檢前

蹤莊放遺轍於昭遐訓允歸聖烈肅穆仁祠陰沈像設

隨四序以潛運懸三光而不跌

碑陰

分上下二截上截刻二詔一表共二十五行行五十五

鳳二年一行在碑左邊介上下截之間並隸書又金

武德乾封詔勅

大唐武德九年十二月廿九日下

太宗文武聖皇帝詔曰宣尼以大聖之德天縱多能王道籍以裁成人倫資其教義故孟軻稱生人以來一人而已自漢氏馭靈魏室分區爰及晉朝暨于隨代咸相崇尚用存享祀朕欽若前王憲章故實親師宗聖是所庶幾存亡繼絕抑惟通典可立孔子後爲褒聖侯以隨故紹聖侯孔嗣愬嫡子德倫爲嗣主者施行

皇帝以乾封元年正月廿四日下

詔曰朕聞德契機神盛烈光於後代化成天地靈功被於庶物魯大司寇宣尼父孔丘資大聖之材屬衰周之末思欲屈己濟俗驅道佐時應聘周流莫能見用想乘桴以永歎因獲麟而興感於是垂素王之雅則正魯史之繁文播鴻業於一時昭景化於千祀朕嗣膺寶靈祇奉睿圖憲章前王規矩先聖崇至公於海內行大道於天下遂得八表乂安兩儀交泰功成化洽禮盛樂和展采東巡迴輿西土塗經茲境撫事興懷駐蹕荒區願爲師友瞻望幽墓思承格言雖寔寢荒蕪餘基尚在靈廟虛寂微烈猶存孟軻曰自生人以來未有若孔子者也微禹之歎旣淡褒崇之道宜峻可追贈太師庶年代雖遠式範令圖景業惟新儀刑茂實其廟宇制度卑陋宜更加修造仍令三品一人以少牢致祭褒聖侯德倫旣

承靈緒有異常流其子孫竝宜免賦役主者施行
皇太子靈表

臣聞周師東邁商閭延降軾之榮漢蹕西旋夷門致抱
關之想况泣麟曾躅歌鳳遙芬被緝禮於昌辰飾殊榮
於窮壤者伏惟

皇帝陛下資靈繞極稟粹登樞乃
聖乃神體陰陽而不宰無爲無事均雨露之莫和六符
篤而太階平百寶臻而天祚永靈臺所以口伯延閣由
其增絢尚齒尊賢邁

鴻名於萬古興亡繼絕騰峻
軌於千齡大矣哉茂實英聲固無得而稱矣日者封金
岱畎會玉梁陰路指沂川塗經闕里迴

鑿駐平式監

堯禹之姿闢纘凝流載想溫良之德於是特紆宸渙贈
以太師爰命重臣申其奠醊廟堂卑陋重遣修營褒
聖侯德倫子孫咸蠲賦役臣

恩均扈從迹濫撫軍

舊烈遺塵躬陪瞻眺零壇相圍欣覲前聞又昔歲承

恩齒曹膠墊歷觀軒屏貝到門徒想仁孝於顏曾弥
深景慕探風猷於竹帛冀啓顓蒙所以輕敢陳聞庶加
褒贈

天慈下濟無隔異時咸登師保式光泉夜敢
以前

恩重茲干請竊謂宣尼之廟重闡規摹桂奠

蘭羞永傳終古崇班峻禮式賁幽埏而翠響莫題言猷
靡暢詢諸故實有所未周且將聖白天惟幾應物拯人

倫於已墜甄禮樂於既傾祖述勛華三千勵其鑽仰憲
章文武億兆遵其藏用豈可使汾川遺碣獨擅於無慙
峴岫餘文孤標於墮淚伏見前件孔廟營構畢功峻業
曾徽事資刊勒敢希 鴻澤令樹一碑徂遼海清口
九無徵發山東豐稔時踰恒歲况鄒魯舊邦儒教所起
刊勒之費未足爲多許其子來不日便就乞特矜照遂
此愚誠臣識昧恒規言慙通理塵黷聽覽追增悚戰
勅旨依請

乾封祭文

維乾封元年歲次景寅二月戊戌朔二日己亥

皇帝遣司稼正卿扶餘隆以少牢之奠致祭先聖孔宣
父之靈惟神玉鉤陳貺靈開四肘之源金醪流禎慶傳
三命之範神資越誕授山岳以騰英天縱攸高蘊河海
而標狀折衷六藝宣創九流睿乃生知靈非外弊於是
考三古褒一言刊典謨定風什蒞敬之容畢備鐘鼓之
音載和父子爰親君臣以穆蕩乎煥乎樂正雅頌各得
其所可不謂至聖矣夫瞻以寡德嗣應神器式崇祇配
展義云亭感周禮之尚存悲素王之獨注抒軸洙泗如
挹清瀾畱連舞雩似開金奏昌門曳練徒有生芻之疑
漢曲移舟非復祥萍之實慨然不已爰贈太師堂宇卑

陋仍命修造褒聖子孫合門勿事庶能不遺百代助損
益之可知永鑑千年同比肩而爲友聿陳菲奠用旌無
朽梅曙霞梁松春月牖德音暢而無歎形神忽其將久
儻弗沫於生前亦知榮於身後尚饗

儀鳳二年七月訖功

明昌二年七月一日暴風折木壓其碑仆於地龜跌
分爲二碑與字俱無害豈陰有所相而然耶九月一
日復命工易以此座云提控修廟朝靖大夫開州刺
史高德裔記

此崔行功撰孫師範書行功嘗書開元寺千佛記者
師範無書名而此碑分隸是唐初法亦有漢魏遺意
可與唐詔表碑同觀 高祖高宗詔各一通祭文一

通太子宏表一通皆分書金明昌中暴風折木壓碑
仆跌損而碑不損刺史高德裔易跌樹之行書題六
十五字于后王元美曰其行筆不甚精功而時有漢
意乃知古法自開元帝始盡變也

石墨
鐫華

碑文內升升二字升音陞升音斟隸釋漢苦縣老子
銘有升星字司隸校尉楊孟文石門頌上順升極白

石神君碑米升五錢注竝云斗字

漢隸分韻升升
二字上升下斗唐

比邱尼法琬碑天分斗極竟作升字則謬矣昔人以

其文易混故改升爲斗俗作斗而二字多有誤者故
漢書食貨志治田勤謹則畝益三升不勤則損亦如
之臣瓚曰當言三斗尚書帝命驗黃曰神斗博雅誤
作神升又世語姜維膽大如升誤作斗字之从斗
者漢樊毅復華下民租田口筭碑斛作斛苦縣老子
銘涼州刺史魏元丕碑科作科魏受禪碑料敵用兵
料作料王知敬李衛公碑運奇料敵料作料歐陽通
道因法師碑斜作斜韋虛心鄭子春北嶽廟碑史惟
則慶唐觀金籙齋頌魁作魁晉書孝武帝紀論謝元
之善料軍事何超音義曰料力弔反一作料後人不
知古人書法妄改爲斷而淳化閣帖晉簡文帝書樹
字作斷又與升旁加一點以別升字後周華嶽頌樹
字亦同張公禮龍藏寺碑捐讓而升大寶升字作斗
以斗加一點爲升則不經之甚矣

金石文
字記

右唐高宗封孔子泰師碑左傳室如縣罄國語作磬
碑書擊磬字作磬二字古蓋通用也梓材卽梓材見
古文尚書楊雄甘泉賦上天之緯師古曰緯事也讀
與載同銘云緯無聲臭蓋用戴記語而從子雲之奇

字也

金石
存

右贈泰師孔宣公碑新舊唐書霍王元軌傳不載爲

兗州都督事可據以補史之闕

潛研堂金石文跋尾

此碑銘云循性稱教循與修通漢碑多以修爲循也
爻書先起依文義當作爻畫蓋刻者誤耳文末作韻
語又銘詞四字爲句末二句忽六字初唐人體格不
拘類如此碑陰太宗封孔德倫爲褒聖侯詔一高宗
新廟致祭免子孫賦役詔一皇太子宏請立碑表一
乾封祭告文一末行但書儀鳳二年七月訖功無書
人姓名筆意頗似前碑惟字多別體及錯譌通借者
如商作高極作極稟作稟兩作兩薦作篤偃作偃齒
作齒罕作罕具列門徒具列作貝到慙作慙久無徵
發久作九矜作矜追增悚戰增作贈戊戌作戊戌
作醜莊作莊鼓作鼓朕以寡德朕作臚寡作寮嗣膺
神器膺作應牖作牖皆是按太宗以武德九年卽位
詔下於是年十二月尚未改元其稱太宗文武聖皇
帝據上元元年改諡爲文也舊唐書高宗本紀乾封
元年正月丙戌發自泰山甲午次曲阜縣幸孔子廟
追贈太師增修祠宇以少牢致祭其褒聖侯子孫並
免賦役與碑合是年正月戊辰朔甲午次曲阜在廿
七日而詔以廿四日下蓋未至曲阜之前也祭告文
云皇帝遣司稼正卿扶餘隆考舊唐書職官志龍朔

二年二月甲子改百司及官名以司農爲司稼卿爲
正卿亦與碑合乾封元年詔令三品一人致祭司稼
正卿卽三品也皇太子請立碑敕旨依請卽崔行功
所撰者是也是碑文無關尚資考證而不遭明昌之
仆折誠如高德裔所記有鬼神陰相之著矣

山左金石志

按此碑合兩面所刻凡奉敕撰文一太宗詔一高
宗詔一皇太子表一祭告文一而以曲阜志通編
卷內稽其先後則武德九年太宗詔其首也次乾
封元年正月高宗詔次乾封元年二月祭告文次

皇太子表次崔行功奉敕撰文崔行功文碑無歲

月其文中稱乾封元年者是贈太師之年非撰文
立碑之年皇太子以總章元年二月釋奠于學贈
顏子爲太子少師曾子爲太子少保然後表請闕

里孔子廟立碑表內云昔歲承恩齒胄膠塾指總
章元年釋奠事又云想仁孝于顏曾彌深景慕敢
輕陳闡庶加褒贈咸登師保式光泉夜皆指贈顏
子少師曾子少保之事而詳玩昔歲二字則請表
當更在總章元年以後矣表末云敕旨依請曲阜

志此下載詔曰皇太子宏近因釋菜齒胄上庠祇
事先師馳心近侍仰崇山而景行眷曩哲以勤懷

顯顏曾之特高揚仁義之雙美請申褒贈載甄芳
 烈朕嘉其進德冀以思齊訓誘之方莫斯為尚顏
 回可贈太子少師曾參可贈太子少保並配享玩
 詔語與表不合碑不刻入宜也曲阜志繫於表末
 誤矣碑云祕書少監通事舍人內供奉臣崔行功
 奉敕撰文奉敕直祕書行祕書省書學博士臣孫
 師範書舊唐書崔行功傳行功高宗時累轉吏部
 郎中兼通事舍人內供奉坐事貶游安令尋徵為
 司文郎中當時朝廷大手筆多是行功之詞遷蘭
 臺侍郎咸亨中官名復舊改為祕書少監上元元
 年卒唐書百官志祕書省少監二人龍朔二年改
 祕書省曰蘭臺少監曰侍郎咸亨元年官名復舊
 此碑云祕書少監是咸亨復舊之銜則撰文又在
 咸亨元年以後矣孫師範無傳其銜曰直祕書行
 祕省書學博士百官志云貞觀令職事高者為守
 職事卑者為行書學隸於國子監有博士二人從
 九品下所掌學生以石經說文字林為專業餘字
 書兼習之今觀碑字頗有不合于說文者可知當
 時書學之官不盡能深明六書也然其書此碑隸
 體嚴整以之充博士之官亦無忝矣凡奉敕撰書

之例撰者曰臣某奉敕撰書者亦曰臣某奉敕書此碑獨於崔行功奉敕撰文之下接云奉敕臣某書與他碑異也碑文首敘宣聖先世次敘宣聖事蹟次敘歷代至唐典禮沿革語極詳贍有云皇儲一德聿隆三善思建隆碣上聞天扈此卽敘皇太子宏表請立碑事舊唐書太子宏傳云宏高宗第五子總章元年二月親釋菜司成館因請贈顏回太子少師曾參太子少保高宗竝從之而其表請曲阜立碑之事傳亦不書太子薨于上元二年年二十四其總章元年釋菜年前十七洵乎其爲賢儲也則碑未書儀鳳二年訖功在太子薨後二年矣太子表云臣恩均扈從迹濫撫軍舊烈遺塵躬陪瞻眺零壇相圍欣覲前聞是指高宗東封幸曲阜事東封在乾封元年太子時年十五在扈從之列而史傳亦無文蓋史之略者多矣祭告文有司稼正卿扶餘隆考通志氏族略諸方複姓有夫餘氏吳太子夫概王奔楚餘子在吳以夫餘爲氏百濟國王夫餘寬生璋號帶方郡王生義茲唐拜帶方郡王金紫光祿大夫生隆熊州都督帶方郡王生文宣司膳卿左衛大將軍樂浪郡公扶餘疑卽

夫餘此扶餘隆官司稼卿與官司膳卿相類似亦
同源于百濟者也東封之前數年百濟初平方於
扶餘道置行軍總管以伐高麗此扶餘隆或卽其
國人入仕于朝而從行東封者歟孔嗣哲爲孔子
卅一世孫其封紹聖侯在隋大業四年然則德倫
爲卅二世孫也碑陰隸體大致相同然凡太字皆
從本字不作泰與孫師範所書異以此知書者非
出一手也殆是當時書學所習書體不甚懸殊亦
足徵一時風氣所尚也碑字多別體山左金石志
所舉已詳而有未盡者如漢蹕作淇蹕登樞作登

樞凝旒作凝旒獨往作獨注皆偏旁所从之異而
易啟後人之惑者碑內兩引孟子生民以來語生
民俱作生人乾封詔固因避諱貞觀詔係高宗時
追書故亦避諱也崔文云愚智齊泚泚卽泚字亦
避諱作泚也六籍無准廣韻云准俗準字字林則
準與准同此時書學兼宗字林宜其以准爲準也
乾封詔應聘作應聘及書太子表躬陪則作躬陪
此又偏旁之可隨意互易也碑篆額十二字分四
行字徑四寸碑首形圓題額外左右刻二仙子裳
冠羽衣騎鶴而行左右相向鶴含草如竹葉周刻

大花葉唐畫真蹟不易見此石刻猶略得其規模
而碑首刻仙人跨鶴尤掬見此碑明昌二年一條
記此碑之不遭仆損卽附于此不復析出云

金石萃編卷五十五終

